

崑山顧祖禹景范輯著
南昌彭元瑞芸揚校定

錦里龍萬育燮堂校刊

廣東二

廣州府 東至惠州府三百六十里南至海百里西至肇慶府二百三十里北至韶州府七百二十里白

府治至京師七千八百三十五里

禹貢揚州南境春秋時為揚越地 裴淵廣州記六國時廣州屬楚 秦

置南海郡後趙佗據其地 圖經云尉佗僭據改南海為南武白稱南武王謬

漢元鼎六年討平之仍為南海郡後漢建安中嘗徙

交州治此三國吳始於此置廣州 交廣析置詳見前 晉宋以

後因之並治南海郡梁置廣州都督府陳因之隋平

讀史方輿 卷一百一 廣東二 一 敷文閣

陳廢南海郡置廣州總管府 志云初治始興開皇二十年還治南海 仁

壽初改為番州 避太子大業初復曰南海郡唐武德

四年平蕭銑仍置廣州 初為總管府七年改都督府開元二十三年置經畧軍於

城內又以廣州刺史兼五府經畧使 天寶初仍曰南海郡乾元初復故

乾寧二年兼置 天復初屬於劉隱五代梁貞明三年

劉巖僭號改為興王府宋開寶四年平南漢仍曰廣

州 亦曰南海郡清海軍節度祥興元年為廣州路明

初改廣州府領州一縣十五今因之

府連山北峙鉅海東環所謂包山帶海險阻之地也

封域綿邈田壤沃饒五嶺以南此為都會秦末任囂

謂趙陀曰番禺負山險阻南海西數千里可以立國陀因此霸有南越也晉義熙中盧循保據於此分兵北出江左震動既而與劉裕相持於潯陽裕密遣孫處等自海道至番禺傾其巢穴循敗無所歸因以覆滅使裕計不早循猶得阻險為奸其為東南患豈有已哉陳蕭勃歐陽紇等後先據廣州而皆不克振者羽翼未成本根先撥也唐置嶺南經畧使為五管之樞要乾符末黃巢假息於廣州而毒螫遍於天下天復初劉隱代有廣州恣睢南服且數十年宋之末造冀保此一隅為一成一旅之資而卒摧於強敵者事勢已去非智計所能逮也明初分道取廣東廖永忠以海道之師自福州先至廣州廣州既下而嶺南郡縣亦望風欵服矣蓋州不特為廣東之根本亦制廣西之肘腋也

南海縣

附郭在府治西偏本秦南海郡番禺縣地隋開皇十年析置今縣尋以番禺縣并入為廣州治

五代改曰常康宋開寶五年復故舊治府城北芝蘭湖南明初遷入郭內今編戶三百五十里

番禺縣

附郭在府治東偏秦置縣為南海郡治以番禺二山為名二漢因之晉宋以後皆為南海郡治

隋并入南海縣唐初復置仍為廣州治宋開寶五年廢入南海縣皇祐三年復置在州城東紫泥巷元至正中始徙治東城內今因之編戶一百三十九里

廣州城

今府城也通歷楚伐揚越自是南海事楚有楚亭舊圖經廣州州城始築自越人公師階

讀史方輿紀要

卷一百一

廣東二

二

敦文閣

讀史紀要

方輿卷一百一

廣東二

三

敷文閣

號口南武吳越春秋闔閭子孫避越嶺外築南武城後楚滅越越王孫避入始興令師隅修吳故南武城是也秦以任囂為南海尉初居瀧口西岸俗各萬人城在今城西二十七里既乃入治番山隅因楚亭之舊其治在今城東二百步俗謂之任囂城又相傳南海人高固為楚威王相時有五羊啣穀萃於楚亭遂增築南武城亦在今治東今謂之及趙佗代囂益廣囂所築城亦在今治東今謂之趙佗城漢平南越改築番禺縣城於郡南六十里為南海郡治今龍彎古霸王之關是也號佗故城曰越城後漢建安十五年步騭為交州刺史以越城就圯乃廓番山之北為番禺城後又遷州治於此自是不改城塚記郡南城建安二十二年步騭遷州時築規制尚隘唐廣明間為黃巢所焚天祐開清海節度劉隱更築鑿平禺山以益之始稱壯麗宋慶歷四年經畧使魏瓘增築子城周五里皇祐四年儂智高寇廣州不能陷命瓘再知廣州瓘復環城濬池築東西南三門甕城熙寧三年經畧使呂居簡議修東城未果轉運使王靖成之袤四里合於子城明年經畧使程師孟築西城周十有三里紹興二十二年經畧使方滋修中城及東西二城以禦寇嘉定三年經畧使陳峴以城南闕闐稠密無所捍蔽乃增築兩翅以衛民居東長九十丈西五十丈謂之雁翅城紹定二年經畧方大璋增修端平二年開慶元年皆嘗葺治景炎二年蒙古攻廣州將張鎮孫以城降明年蒙古毀天下城隍廣州子城及兩翅城無恙明洪武三年復因舊壘修葺十三年永嘉侯朱亮祖等以舊城抵隘乃改築府城連三城為一東北包粵王臺山北連馬鞍至於白雲山之麓岡阜相連不斷又建五層樓於北城上高八丈名鎮海樓稱為雄勝成化二年弘治十六年嘉靖十三年皆嘗修築萬歷以來亦相繼營繕有門七惟東南日定海西南日歸德餘各以方位為名北枕山阜三面環濠城周二十一

熙安廢縣

在府東本番禺縣地宋元嘉中析置熙安縣屬南海郡梁廢又懷化廢縣在府東北

晉義熙中置屬南海郡宋因之梁廢又東有綏寧廢縣亦宋元嘉中置屬南海郡梁廢○咸寧廢縣

呈有奇

在府西北廣記五代梁貞明四年南漢折南海縣置咸寧常康二縣宋開寶五年復省入南海縣宋志云南漢改南海曰常康開寶五年復故今存以俟考

陸賈城

府西十四里志云賈使南越時築一云趙佗館賈於此○盧循城在府南十里遺址隱然

循舊居晉義熙七年沈田子破循焚其巢穴即此也地

越秀山

府治北一名越王山聳拔二十餘丈上有越王臺故址尉佗因山築臺因名俗呼觀音山折而西北為歌舞岡一名越井岡相傳井亦尉佗所鑿南漢時號曰玉龍泉有九竅亦名九眼井○

番山在番禺縣治東南一甲山北一里曰禺山縣因以名舊時二山連屬如長城南漢劉龔鑿平之就番山積石曰朝元洞後改曰清虛洞禺山之陽又有西竺山今皆為官民居址志云南海縣治西其陽有穗石洞舊傳即五羊啣穗處

讀史方輿

卷一百一

廣東二

四

敷文閣

紀要

蓆帽山在府城北有南漢郊壇遺址山高二十餘丈周六里下為蘭湖南越志番禺北有芝蘭湖並注南海今湮又馬鞍山在府北六里南越志秦始皇時望氣者言南海有五色氣遂發人鑿此山其鑿處形類馬鞍一云馬援嘗駐兵於此因名或謂之馬逕宋乾德四年潘美伐南漢王劉鋹以宋師旣逼遣郭崇岳等屯馬逕旣而為美所據郡志馬鞍山自北而西有鳳凰鴻鵠二嶺自北而東有松柏驪麟望州諸嶺蓋道

出羣山間為陁諺陁為逕也

雙女山

府西十里俗名鳳山宋潘美伐南漢次龍頭劉鋹遣使請和美挾鋹使速渡諸險至馬逕

砦於雙女山下去廣城十里南遊記今府西十七里有花田平疇彌望皆種素馨相傳南漢宮人死多葬此一名白田其地有

雙女山即潘美駐師處

白雲山

府北十五里山高聳上多白雲有九龍泉流為大小水簾洞又北為虎頭巖巖麓有寶象

峯折而西南五里曰棲霞山名景泰雲峯山景泰六朝時僧名也下有太霞玉虹諸洞又有滴水

巖聚龍岡其東北六里為蒲澗皆白雲之勝也郡志府境名山曰白雲又亂石山在府東北二十里山高險與白雲山相連一名白雲後洞亦曰紫雲洞

石門山

之衝漢元鼎六年樓船將軍楊僕伐南越將精卒先陷尋陝破石門得粵船粟因推而前挫粵鋒是也郡國志呂嘉拒漢積石江中為門因名石門宋德祐三年元阿里海涯遣降將梁雄飛狗廣東廣東帥徐直諒聞益王昱立於福州遣將拒之於石門為元兵所敗○大橋山在番禺

抱旗山

志云抱旗山北入里有青螺嶂嶂高五百丈一名白鹿岡沙灣水出其下又石壁山在番禺縣南二十里脈自抱旗山來又縣南二里有萬松山與盧循城相近○三山在府南二十七里三峯並起競秀凌空舊有三山寨明初廖永忠擒邵宗愚於此今為桂華堡又秀蘿山亦在府南二十七里山阜

讀史方輿

卷一百一

廣東二

五

敷文閣

奇秀草木森鬱

靈洲山

府西六十五里其山平原彌望一名靈峯山唐十道志嶺南道名山之一也南越志肅連山西有靈洲郡志肅連山在南海縣西十五里縣西十九里有濶岡形如巨屏又西為靈洲山○黃麋山在府西五十里其東南有二巖後有石室通明可容數十人元末居民嘗避寇於此志云府西百里有旗峯山山半出泉冬夏不竭府南十里又有碧雲山形如獅子元末鄉民黎復震築堡於其上以避寇又浮邱山志云在府城西一里相傳浮邱丈人得道處羅浮記浮邱即羅山朱明之門戶先在水中共浮邱然今去海數里所見惟一盤石耳

西樵山

府西百二十里高數百仞勢若游龍盤踞四若羅城其極高峻者曰大科峯峯之南曰雷壇峯寶峯又折而東南曰大觀峯下有九曜巖九龍巖其南曰紫姑峯下為小雲谷鳥利巖白大科峯而西巖石層疊水簾千尺折流而北曰龍泉曰寶鴨

池其下曰瀉錢坑曰雙魚坡又折而東北曰碧雲
峯又數百步則小科峯紫雲峯也亦高峻其陰有
觀翠巖石壁中懸泉一線亦名水簾其下為金銀
池諸山之泉出焉注於百會泉以達碧江轉而北
曰官山上有霧門關又西北曰鎮頭岡曰紫竹峯
綿延至於蘭谷尤為峭拔峯之外為壁山下有通
潮井又數折而出曰黃旗岡又有黃龍洞居人皆
以種茶為業志云西樵山半地平可為民居峯巒
迴合千態萬狀不可殫述也又各勝志府西百七
十里有三洲山聳拔千仞峯巒數十西跨高明南
連新會為郡之鎮山

金鵝嶺

府東北四十里一名飛鳳嶺其山峻險中藏
此以避寇○俄旗岡在府東南十里又十里曰盧
嶼石相傳吳隱之與盧循戰處一名南箕臺又四
十里曰冠岡多林木其東有相對

海

府南百里志云府東八十里出古斗村又東南二
百里至南海衛又南六十里出虎頭門又南一百

讀史方輿
紀要

卷一百一

廣東二

六

敷文閣

西江

府西北五十里其上流為潯鬱二江合賀江而
又東南流至城南而會於東江亦謂之三江江中
有海珠石是曰珠江一名沈珠浦相傳昔賈胡挾
珠經此珠忽躍入江中今有石屹峙江心南漢創
慈渡寺於其上亦名海珠寺宋末經畧張鎮孫與
蒙古將塔出戰於海珠寺敗績蒙古復陷廣州又
東過瀝寧堡北去城十餘里亦謂之東衝孫處襲
盧循之番禺至東衝焚舟艦而前即曰攻拔之是
也又分流經西朗凡十餘里謂之蜆江俗呼白蜆
殼江滙於府東南八十里南海廟前志所稱扶胥
之口黃木之灣也一名扶胥鎮海隅出日水中見
之是為波羅江合諸水入於

北江

府西北三十里即瀆水湟水合流而南出者也
南海詳見大川及川瀆盤江

於東江詳見大川又東江在府東南二十五里自
惠州府博羅縣西流歷東莞增城縣而西至府東
南會西江入海或謂之

越溪

府東北三里東流與東江會志云府東二十里
有蒲澗出白雲山中產菖蒲一寸九節相傳
安期生服此得仙其水甘冷一名甘溪曲折流注
越秀山麓左為菊湖今埋右為越溪又東北與東
溪合注於東江今府城東北五里有甘溪池亦謂
之龍澗水王象之云龍澗水即蒲澗水也吳刺史
陸允以海水鹹鹵因導蒲澗以給民用唐節度盧
鈞加鑿之始可通舟南漢更為疏闢作甘泉苑郡
志宋末於越秀山左堰越溪溉田今堰廢其水悉
入於城濠○沙灣在府南三十五里源出青螺嶂
又有韋衝水流會

扶南水

府西南十六里一名扶溪民居環錯多菱芡
之利又西南四里為大通港其東有平陸松
林竹浦諸水俱
匯流入於海

讀史方輿
紀要

卷一百一

廣東二

七

敷文閣

西澳

在城南宋景德間經畧使高紳所開志云城中
舊有六渠迴環貫串皆匯流於西澳亦謂之南
濠其後屢經修濬嘉定三年陳峴復疏鑿之以通
舟楫又於西南雁翅城濠口築兩閘以防溢涸後
皆因故址疏築明初改築城垣於東門北城下置
小水關疏城渠之水復於濠南改築水閘廣狹僅
六尺許皆用鐵石為柱以間阻內外蓋去海日遠
舟楫不通久矣又有清水濠在舊子城東古東澳
也穴城而達於海後亦注於南濠又有東濠在府
城東明洪武三年開濬其西濠則在城西四里亦
因舊址修濬時東南二濠之水皆流匯於西濠合
西江以

入海

琵琶洲

府東南三十里江中上有三阜形如琵琶闕
浙舟楫入廣者多泊於此又荔支洲在府西
七里舊圖經云洲廣四十里袤五十里亦曰荔支
灣南漢主劉龔建昌華苑於洲上今湮為民居又
拾翠洲在府西南三十里古有津亭今建華節亭
於其上○沉香浦在府西二十里江濱相傳吳隱

之任還妻劉氏獨齋沈香隱之見而投於浦因名
舊有亭今廢又貪泉在石門山西一名石門水俗
傳登大庾嶺則清穢之氣分飲石門水則潔白之
質變晉吳隱之刺廣州獨取而酌之以廉潔稱
金利砦 府西十五里宋元時置砦於此明洪武三年
改置巡司又縣西鹽步堡有神安巡司同舊為
泌冲寨亦洪武三年改又西有三江巡司在側水
村本名三江砦又西有黃鼎巡司在西隆堡舊為
黃鼎寨俱洪武三年改○五斗口巡司在縣南平
洲堡景泰三年置嘉靖五年移置於磨刀石縣西
南龍江堡又有江浦巡司舊
為鼎安寨亦洪武三年改

鹿步堡 在番禺縣東舊置砦於此洪武三年改設巡
司其相近有車陵烏涌二堡又沙灣寨巡司
在縣南三十里舊置砦今亦為白沙堡又菱塘巡
司在縣南巡口堡舊置砦俱洪武三年改設○獅
嶺巡司在縣北擢桂堡舊為巴由砦又縣北何嶺
堡有慕德里巡司舊置砦俱洪武三年改設志云
府東南有白墳神頭
等營俱有官兵戍守

讀史方輿 卷一百一 廣東二 八 敷文閣

朝亭 府西五里水經注趙陀因岡作臺北面朝漢圓
基千步直峭百丈頂上三畝複道環回朔望升
拜名曰朝臺後為西侯津亭因各曰朝亭也宋泰
始四年叛將劉思道還攻廣州刺史羊希遣兵禦
之於朝亭敗績梁太清末廣州刺史元景仲附侯
景西江督護陳霸先等討之聲言朝廷已遣軍頓
朝亭
卽此

茅濬埠 在南海縣西南又有甌州岡埠石門等埠又
在南海縣有波羅石岡獵德烏涌車陂等埠向
番禺縣守江路又南海把截所五曰西廟日
皆設水兵巡守江路又南海把截所五曰西廟日
第二橋曰峨舡澳曰石門曰長橋番禺把截所五
日雙橋曰流水曰相對
岡曰官渡頭曰波羅廟

五羊驛 在府城西南又府西北八十里有官空驛又西
北四十里為三水縣之西南驛又胥江驛在
府西北又番禺縣北茅田村有滙湖驛○烏石驛在
府東百里又東六十里為增城縣之增江驛
在府西南八十里東六十里東南至香山縣百里本南海縣
南境東涌馬寧西琳三都濱海地景泰三年始

順德縣 府西南八十里東六十里東南至香山縣百里本南海縣
南境東涌馬寧西琳三都濱海地景泰三年始

析其地置縣治大良堡天順九年始築磚城編戶百六十五里

五山 縣東北二里有五峯一曰拱北二曰華蓋三曰安東四曰登俊五曰迎暉環列如星又神步山

在縣東二里縣北二里又有雲梯山西二里有金榜山以山形橫峙也縣南四里又有鐘鼓山下有巖為近

郊之勝

龍穴山 縣西北四十里山高秀東有獨岡縣北五十里又有西琳山三峯特起又縣東北三十

里右都寧山中有黃姬洞相傳五代時有黃姬者多避地於此其南又有桃岡俗呼桃村皆幽勝

龍江 縣西北四十里即西江水也流入縣界經龍穴山陽謂之龍江又東入南海縣境會於北江○

龍澗水出縣西南三十里龍頭山南流入於南海

碧鑑海 縣西南一里自粵江分流至此曲折環合其北八里曰庚流海縣西二十里曰錦里海八十里又

曰洪濛海皆小川也志云縣北四十二里有疊石

紀要

讀史方輿

卷一百一

廣東二

九

敷文閣

海東接新會西南七十里曰石頭海西通香山皆自北而南注於南海

都寧砦 縣南百里其北有獅嶺志云宋祥興帝赴海集眾千餘人圖恢復都於由義所居之西山逾月

且卒由義葬之於山北土人呼其地曰都寧言趙王所都冀安寧也明洪武三年置都寧巡司於此

○馬岡巡司在縣南三十里本馬岡村有小灣堡洪武三年改置巡司又南有馬寧巡司本馬寧砦亦

洪武三年改置志云縣西有江村巡司縣南百餘里又有紫泥堡巡司

俱洪武三年所置

鶴冲堡 在縣南明正統十四年賊黃蕭養據此作亂官軍討平之又古樓堡在縣西南八里○黃

涌頭營亦在縣南四面環海設兵戍守所轄有仰舡岡三瀝沙等哨接新會縣界

伏波橋 縣南二里志云橋西南五里有鄉名石桶南地築石甕金斗二城及兵戍遂遁於此伏波將軍

路博德遣兵窮追編橋渡兵橋因以伏波名石桶

卽石甕之譌也

東莞縣 府東南二百五十里東北至惠州府博羅縣百七十里本番禺縣地晉咸和六年析置寶安縣又分南海郡置東官郡治焉宋齊以後因之隋平陳郡廢縣屬廣州大業初仍屬南海郡唐復屬廣州至德三載改寶安縣曰東莞五代因之宋開寶五年省入增城縣六年復置今城周十四里編戶一百八十三里

寶安廢縣

縣南二百五十里本東官鹽場三國吳甘露二年置司鹽都尉於此晉改置縣並立東官都亦曰東官城隋郡廢而縣如故唐至德二載移縣於到浦卽今縣治也明洪武三年改築新城其廢縣亦曰城子岡地平曠千戶所置於此

安懷廢縣

在縣東南亦晉咸和中置屬東官郡宋因之齊志東官郡治懷安卽此梁陳間縣廢在縣治西城址環其西南麓又金牛山在縣西五里山勢峩嶷下瞰海水一名海月巖

讀史方輿

卷一百一

廣東二

敦文閣

飛鵝山在縣西南十里屬靖康場流水環遠狀若飛鵝又十里曰大嶺山奇突聳峭下視羣山如蟻垤然其陽有瀑布泉灌田二十餘里又石鼓山在縣西南二十里上有石如鼓南越志土有亂則鼓鳴昔盧循來寇時隱然有聲

黃嶺山

縣南三十五里俗名旂嶺縣治朝山也唐十州如卓筆逶迤而西作展旗狀下有簾泉又縣南四十五里有彭峒山上有水簾神山在縣東三十里其陽為鼓鎮峽下有龍潭卽龍江所經也舊有浮橋又石涌山在縣東五十里水中石如湧出因各居民多種香木於上又東十里為寶山昔嘗置場煎銀於此名石甕場久廢山巔有潭懸流下注居民引以灌田

虎頭山

縣西南五十五里大海中有大虎小虎二山將劉深攻帝於淺灣張世傑戰不利奉帝退保秀山明初廖永忠下東莞次虎頭關今外國來入貢

及出使外國者皆取道於此○武山在縣南五十餘里大海中山勢突起有武勇狀每潮汐消長高低可辨宋余靖嘗候潮於此

曹幕山

縣西北八十里其南有石門崦峒高廣橫列如城府林陰蔚蔚大者合抱農隙採山如織

銅嶺

在縣東二十里楠花村宋末邑人熊飛結集義勇與元將姚文虎力戰斬之遂與新會合曾逢

龍復廣州是也又太平嶺在縣東南形若豎旂從山麓而上連頓九阜至山頂則平曠一名九頓嶺道出大鵬所○蓮花峯在縣東北六里九峯峻竦狀如蓮花一名三角山其上有池

三門海

此分爲三道既而復合因曰三門舊志縣境海道之備有南頭屯門雞樓佛堂門十字門冷水

角老萬山伶仃洋等澳皆有哨兵戍守又縣西南有烏豬海洋吳惠日記正統六年奉詔使占城發東莞次日過烏豬洋又次日過七州洋瞭見銅鼓

讀史方輿

紀要 卷一百一 廣東二 十一 敷文閣

山次至獨猪洋見大周山次至交阻洋有巨洲橫截海中怪石廉利爲舟楫患次日至占城外羅陽

東江

在縣北自博羅縣流入境又西入增城縣界至廣州二千五百里海行始難以里道記也

防衝嚙紹興中復修治淳祐三年復增修之元至正二年濔潦崩潰尋復營葺一名福隆隄在縣東七十

龍潭

縣東南四十五里志云深溪山在縣東南二十北出居民引以灌溉又虎頭潭在縣東百里接惠

州府界有山險絕形如虎頭下有潭潭傍僅有線道山內有田可畊常爲寇盜所據昔於山前置砦今廢志云縣東北黃曹村有織女湖湖傍有小山

父縣東南百里有雙女湖

福永鎮

在縣西南有福永巡司舊爲屯門固戍寨洪武三年改置巡司三十一一年遷於福永村因

改今各又白沙巡司在縣西南百十里白沙村近
三門海口舊為白沙洪武三年改置巡司○京
山巡司在縣東北舊為茶園寨洪武三年置巡司
十九年遷於京山村因改今名又中堂巡司在縣
西麻涌村舊為中堂
武山砦在縣南又縣東有虎頭寨志云縣境有把截
砦亦洪武三年改置
營亦在
縣南

城西驛在縣城西水驛也縣東北又有黃

新安縣府東南二百六十里東北至東莞縣七十里本
東莞縣地隆慶六年析置新安縣治城子岡編

戶二
十里

梧桐山縣東四十里山勢峭拔多產梧桐因名又杯
山上有滴水巖及虎跑井紀事云東莞南頭城古

讀史方輿卷一百一廣東二
紀要

紀要

敷文閣

里至屯門山唐置屯門鎮兵以防海寇天寶二載
海賊吳令光作亂南海郡守劉巨麟以屯門鎮兵
討平之宋亦置營壘於此又梅蔚山在縣南百里
大海中行朝錄宋景炎二年正月南狩幸此今有
石殿遺址又西南八十里大海中有官富山山之
東有官富場行朝錄景炎二年四月帝舟次於官
富場是也舊志官富山在
東莞縣西南二百八十里

大奚山縣南三百餘里大海中環三十六嶼週迴三
百餘里民居以漁鹽為生宋史慶元三年提

舉鹽茶徐安國以捕私鹽致亂知廣州錢之望遣
兵殲之遂墟其地後生息漸繁明初有萬姓者統
其眾今亦呼
為老萬山

佛堂門海縣南二百里潮汝相通志云荊河水經官
富山而急水門海在其右凡潮自東南大洋西流經官

富山而急水角經官富場又西南二百里曰合連海
堂自急水角經官富場又西南二百里曰合連海
水通東南大洋連深澳桑洲零丁諸山而匯合於

此故曰
合連

合蘭洲

縣南百九十里志云縣南百餘里有入步海
為合蘭洲在靖康場海中與龍穴洲相並相傳有
龍出沒其間又有泉出龍穴洲石罅間番船回者
皆汲以過海近志縣西北八十里為大
步海又西北八十里為合蘭洲似悞

官富鎮

即官富場也宋景炎二年蒙古將塔出等以
步兵追二王於嶺南其別將峻都由泉州取
道泛海期會於廣之富場謂此今有官富巡司志
云本官富崇洪武三年改○缺口鎮在縣西南缺
口村近合連海口洪武四年置巡司於此

三水縣

府北百二十里西北至清遠縣百三十里西南
至肇慶府百三十里本南海縣之北境高安縣
之東境地嘉靖五年析置今縣治
自塔岡有磚城編戶五十一里

大潭山

縣北三十里石壁數仞飛瀑如練下注二潭
左曰龍湫右曰天生塘方廣二畝許居民引
讀史方輿卷一百一廣東二

紀要

水溉田○堯山在縣南四十里俗呼大堯山水經
注山盤紆數百里有巖巖疊起迤以青林郡國志
山高四千丈自番禺迄交趾俱
見之今高約百初亦各凌山

盧嶺

縣西北四十里與四會縣接界又金帽嶺在縣
東北一里俗呼城隍嶺有連珠峯縣之鎮山也
又縣東五里曰象岡一名雲秀山又二里曰石頂
峯上有古烟墩為縣治之口水口○白塔岡在縣東
南一里岡下水中有浮沉石又二里為崑都山即
古三水鎮也宋置斥堠於此廣州參謀劉領擒海
鹽盜墓母謹和尚於三水鎮是也鎮廢志云縣治
東一里有魁岡下有鹿峒水出縣東六里鹿峒中
流經魁岡入於瀆水縣西一里又有七星岡
其西為青岡濱大江又西有橫石將軍二嶺

北江

縣西二里亦曰瀆水亦曰南人南海縣界合於西江
境南流會於陶水又南入南海縣界合於西江
○陶水在縣南源出堯山西北流注於滙水又有
翁水出縣東北利山湖亦西南流注於滙水三
合流縣因以三水名志云縣南有金洲岡水中突
起方圓約二百餘丈高五十餘丈一名金鐘水繞

其傍又十里過雙寶入南海縣界俗呼新生水三水之餘派也

蘆包水

縣北四十里志云縣北三十五里有龍坡山一名花山又北五里則蘆包水出焉其水秋冬皆涸夏始溢北出一里合於胥江南出南海縣境至官窰驛合於大江胥江亦即北江之異名矣又北六里有鴨埠水亦流合北江舊多盜賊劫掠商船志云縣西南十里有西南濬商旅之舟多泊此於

三水鎮

在縣西南一里隔江青岡之傍即三水口也高要縣接界近志云嘉靖三十年高要縣古耶巡司移置此○胥江巡司在縣北五十里又西南巡司在縣東南十二里地名楊梅堡舊有西南寨洪武三年改置巡司并置驛於此○巖石營在縣北六十五里又縣北四十里有鴨埠水驛又縣南有界牌石營俱有官兵戍守

增城縣

府東百九十里南至東莞縣百里東至惠州府博羅縣百四十里本秦番禺縣地後漢析置增

讀史方輿

卷一百一

廣東二

古

敷文閣

城縣屬南海郡梁改屬東官郡尋為郡治隋平陳郡廢縣屬廣州唐因之宋仍屬廣州今城周四里有奇

編戶一百八十三里

增城舊縣

縣東北五十里漢置縣治此唐時移置於縣東九岡村後又移今治元末嘗築土城

羅浮山

縣東百三十里與博羅縣接界回環高聳為二山志云山產娑婆羅竹圍○猊山在縣東南三四尺性堅韌土人取以為弓

白水山

縣西四十里屹若羣屏上有瀑泉白餘丈驟長下為烏石岡狀若覆鍾色如墨堪以眺遠岡下有烏石村○陳峒山在縣北二百五十里脈自庾嶺而來勢如卓旗山側有小阜突出增江源於此

望雲嶺

縣北百七十里下有九淋水雖天時晴霽亦

雲母石○景星巖在縣北五十里平野中孤石挺起峯秀入雲連石相接無異棟宇中有樓閣寶蓋之狀又浮碇岡在縣城東五里其石赤與羅浮相望舊經云浮山自海上浮來合於羅山此岡若浮

家山之陡又東五里為白

東江 在縣南與東莞縣分

增江 在縣城東源出陳峒山東南流經此又南合於

江縣南三十五里有牛潭增江支

烏石鎮 在縣南東洲村舊為烏石洪武初改置巡

北百里有蓮花寨宋置○增江驛在縣城東

龍門縣 府東北三十里本增城及博羅二縣地舊置

今縣於舊司治於此宏治九年徙司於黃沙坳而置

紀要 讀史方輿 卷一百一 廣東二 五 敷文閣

虎獅山 縣西五十里形若虎獅對峙上有飛泉下注

田又西十里為陳峒

天嶺山 縣南八十里高千仞為一邑之望 名指天

澱石飛泉之勝又南十里曰岑曙

山林水 在縣西一名九淋水源出縣西七十里鐵岡

入增城縣界經望雲嶺下迤邐二百餘里流合於

坑山西南流會於西林水可通舟楫又鵝溪水在

縣南百餘里源出博羅縣界居民引以溉田亦流

上龍門鎮 在縣北舊置長沙巡

香山縣 府南百五十里東至東莞縣三百里唐為東莞

縣仍割南海番禺新會三縣濱海地益之舊有土垣
號曰鐵城明洪武二十六年始營磚城宏治間於城
外築子城正德間修築周

三里在縣治北有六阜環列謂之七星峯其北一阜
仁山曰壽山東南曰豐山西曰武山洪武初築城平

其三日阜又城北一里有插笏山瀕於海舊名獬廬
山○大北山在縣城東一里蓮峯聳其前金鼓角
山峙其後其與蓮峯對峙者為石岐山在

縣西北一里又西二里水中有長洲山
筆架山縣南一里三峯屹立又南二十里曰湖洲山

北臺山在縣南四十里又南二十里曰南臺山兩
山相對如臺志云北臺相近者有壽星塘山塘廣
數畝在山之北野史宋端宗崩於舟中葬壽星塘
今塘側有陵迹五處蓋遺臣馬南寶所築疑塚也
其地亦名墳頭岡在山之西又梅花水出焉下流
入海宋端宗太后全氏崩葬於梅花坡上亦即此
水傍矣又香爐山在縣南六十里有
有瀑布懸流志云縣以此山名也

紀要 廣東二 共 敷文閣

長江山嶺在縣東南三十里眾水皆導源於此以各紫馬

洲山三山並立海中一名大園山又東南十里曰三
日鳥巖山宋末士人多避亂於此○石門山在縣
西十里中有洞宋末嘗拒元兵於此又黃楊山在
縣西南七十里其陽有赤坎岡宋亡張世傑葬於
此

浮虛山縣北七十里海中相傳山嘗與波上下山海
南百六十里土人呼為南山疑即此又石甌山在縣

有金星門兩峯相對巒蛋多漁於此相聚為寇又
南百里有大小橫琴山其下即井澳也又三龜山
在縣南三百里海中周回三百里林木葱翠有三
石如竈舊多居民洪武中以通番寇入犯遂虛其

地成化以後有官軍駐守廣記三竈山有田三百
餘頃極膏腴元時海寇劉進據此明洪武初奸民
吳進添通番為亂二十六年討平之禁民不得居
止耕種設官兵防守正
德中豪民漸侵囓其地

海

在城外宋阮沐縣治記香山環海孤嶼是也今縣西北接浮虛山者曰石岐海中多洲潭蘆葦泥濘久之成田他邑民多耕種其中攘奪為害縣西二十里曰象角頭海又西三十里曰疊石海中多魚蟹之利西南七十里曰分海東注東洲門合人洋又三竈山東曰烏沙海向為番彝窺伺處成化中番船復自此侵擾因

井澳

在縣南海中橫琴山下宋景炎二年張世傑奉帝至井澳颶風大作舟敗幾溺軍士死者過半即此番禺容記井澳海濱有湖居里里中馬南寶者嘗以其家為端宗行宮及帝崩峒州殞於南寶家然後葬於厓山繼又起兵於井澳與蒙古戰不勝死之志云縣有浪白澳為海道戍守處○零丁洋在縣東百七十里宋末文天祥為元兵所敗被執嘗經此有零丁洋裏數零丁之句又九星洋在縣西南宋建炎二年元將劉深襲井澳帝至謝女峽復入海至九星洋欲往占城不果一統志海中又有九曜山羅列如九星洋因以名

請史方輿

卷一百一

廣東二

七

敷文閣

香山鎮

在縣北大欖村舊為香山砦洪武二年改置巡司又小黃圃巡司在縣北白二十里宏治九年置○金斗場在縣南百五十里

象角頭營

在縣西志云縣有鎮頭角南禪佛縣港口地名濠潭即宋金斗鹽場也今廢截所四曰石岐在縣西東洲門在縣東乾務在縣南大人嶺在縣北

新會縣

府西南二百三十里西肇慶府恩平縣百十里漢番禺縣地晉末置盆允縣元熙二年置新會郡治焉開皇十一年隋平陳郡廢置新會縣并置封州治焉開皇十一年改為允州後又改曰岡州大業初州廢縣屬南海郡唐武德四年復置岡州仍治新會縣貞觀十三年州廢縣屬廣州是年仍置岡州天寶初曰義寧郡乾元初復曰岡州貞元末州廢縣仍屬廣州宋因之今城周三百三十八里

盆允廢縣

在縣東晉末分番禺縣置盆允縣屬南海郡尋為新會郡治齊梁因之隋平陳改置

新會縣廢縣入焉城邑考新會縣舊無城元末始築土垣禦寇旋廢洪武二十四年改築土城三十年燹以磚石天順六年復築子城周為濠塹時稱完固正德十一年又復營築焉

新彛廢縣

在縣西四十五里三國吳析番禺置平彛改屬新會郡宋齊因之隋初廢入新會縣又宋元廢縣在縣東北沈約志云元嘉九年割南海新會

新寧三郡界上新民立宋安新熙永昌始成招集熙潭招集餘皆如故梁陳間改新熙為新建始成曰

宋安縣餘皆如故梁陳間改新熙為新建始成曰熙潭招集餘皆如故梁陳間改新熙為新建始成曰

開皇十年悉并入新會縣

義寧廢縣屬西北九十里本新彛縣地宋置義寧縣

義寧廢縣

屬西北九十里本新彛縣地宋置義寧縣南海郡唐武德四年復屬岡州貞觀十三年改屬

廣州旋復故宋開寶五年廢入新會六年復置太平

縣元祐初復為縣紹聖元年又改為鎮後復為縣

讀史方輿

卷一百一

廣東二

六

敷文閣

還隸廣州建炎初廢

封平廢縣

縣西七十里晉末置屬新寧郡宋屬新會郡齊梁因之隋大業初廢入義寧縣唐武

德四年復置封平縣屬岡州貞觀十三年省又封樂廢縣在縣西北沈約宋志元嘉十二年以盆允

新彛二縣界歸化民置屬新會郡齊梁因之隋大業初廢入新會縣唐復置屬岡州貞觀十三年廢

旋復置開元初又廢○始康廢縣在縣西南劉宋元嘉中置屬新會郡齊梁因之隋開皇十年廢入

封平縣又有初賓廢縣亦在縣西劉宋時置屬新會郡齊梁仍舊隋開皇十年省入義寧縣

桂山

縣北二里俗呼圭峯唐僧一行至此有黃雲覆之因名黃雲山上多松竹瀑泉出焉又北八里

曰淥屏山周迴八十餘里環繞縣治一名綠護屏屏南有潭謂之聖池○大雲山在縣西三里形如

盤龍浮江旋遠又西五里曰龍山上有九穴俗呼龍窟其下紫水出焉南流入海

仙湧山

震吼湧出數峯又西北五里曰崑山崑山二

山相連俗合呼為崑崙山崑山嶺有天井崙山嶺
有白龍池○金岡山在縣西八十里唐志岡州以
金岡而名其地產金下有淘金坑傍皆沃壤延袤
八十里今皆為民田不復有金坑矣西北有石洞
曰金山巖深廣皆二丈巖頂飛瀑如練有盤石可
坐數十人舊為鄉人遊賞處今為盜藪俗呼鬼子
窟

曹幕山

縣西北二十里上有猺人墾山為畚今詳見
志云縣西三十里有將軍山山勢雄峻其脈蜿蜒
而南至此突起數峯東盡於海又西南二十里有

石逕山石岩如
屋峇數十人

厓山

縣南百里大海中延袤八十餘里高四十二丈
與奇石山相對立如兩扉潮汐所出入也亦曰
厓門山故有鎮戍宋末帝昺立於榔州張世傑以
厓山為天險可扼以自固乃奉帝昺移駐於此遣人
入山伐木造行宮及軍屋三千餘間未幾元將張
宏範來攻或謂世傑曰北兵以舟師塞海口則我

讀史方輿

卷一百一

廣東二

九

敦文閣

紀要

不能進退蓋往據之幸而勝國之福也不勝備可
西走世傑為必死計不聽結大船千餘作一字陣
碇水中以拒元軍厓山北淺舟膠不可進宏範由
山東轉而南入大洋與世傑師相遇薄之且出騎
兵斷官軍汲路又以舟師據海口世傑遂困既而
元將李恒自廣州來會守厓山北與宏範合擊宋
軍遂潰陸秀夫負帝沉海楊太后及諸嬪御從死
者以萬數宋遂亡志云厓山對峙有湯瓶嘴山以
形似名最高峻交禽異木多出其中又南
有雙壁山高百餘丈又南十里曰九曲山

海

縣南二十一里一名熊海以傍有鼠熊馬鞍熊東
熊山長熊四山也統名曰熊子山熊音那三足鼈曰
熊山形似之其下皆曰熊海東逕香山縣為小梁
南海經蜆岡自北而東至厓山為厓門海通謂之
南海海防考濱海有望
峒澳係廣海衛軍巡哨

西江

在縣東北志云江水至番禺西分流至縣東為
江門江門又分為二水左逕石背至東莞縣虎
頭門入於海右逕縣濬入於熊海○鑼鼓潭在縣
西四十里山溪之水匯流經此水石衝激聲如鑼

鼓南流
入海

沙村鎮

在縣南長沙村有沙村巡司志云舊置司於長珠大神岡洪武三年改置於此又縣東潮

蓮村有潮蓮巡司舊置若洪武一年改又藥逕巡司在曹幕山藥逕口舊置若亦洪武二年改○沙

岡巡司在縣西舊為樂里若置於余村洪武二十年徙於沙岡村改置巡司又松栢巡司嘉慶中增

設在縣西松栢山舊為賊巢又縣西河村有牛肚灣巡司舊置若俱洪武二年叛設巡司又西有大

瓦巡司亦洪武初置

利逕營

在縣西北近崑崙曹幕二山通高明新興山嶺險阻多賊相近又有汾水江營又赤水口

營在縣西有五坑坳檢覘門山賊又西為覘岡營有羅漢山浪賊○鬼子窩營在縣西防鬼子窩良

金雲永山賊又西有五坑逕營防甜水坑良金雲永三山賊徑道多岐接新寧恩平二縣界

長沙塘營

在縣西南有北臘山船金坑雷公巖斬頭等山賊又西有遊魚山營防石巖頭金良

讀史方輿

卷一百一

廣東二

十

敦文閣

二山賊相近為金釵營防牛仔蘭北臘王坑王牯嶺羅漢等山浪賊通新寧恩平二縣界又有寨濠

諸營亦防羅漢大山諸賊接新興高明恩平新寧諸縣界○臨江臺堡在縣東南濱海又東為良村

營俱接德順縣界志云縣有白虎頭官來逕等關五又有把截所八日長沙在縣南海濱日企官日

雙烟整日潭濬日企頭日橫山皆在縣西南濱海海日仰船岡在縣東南日寨門在縣西亦濱海

新寧縣

府西南三百二十里西北至肇慶府陽江縣百二十里本新會縣地自元季以來諸猺煽亂屢

征不服明宏治十一年討平之因析置今縣初築磚城正德六年改築周三里有奇編戶六十里

三台山

縣北一里一名上坑山縣之至山也迤東一里日連珠山有三岡如連珠其西日寶鴨山

與三台並峙○百峯山在縣東五十里峯巒百計獸多獐鹿木多松栢蠻獠之所出沒也其相連者

日古兜山其地水陸四達蠻獠結砦於此有峯日湯瓶嘴

大隆山

縣西南百二十里日龍溪山山險峻上有石室○上

川山在縣南二百三十里海中多香蠟材木居民煮鹽者多取木於此又下川山在縣南三百里海中亦有香蠟竹藤之利一統志上川石山下川土山居民舊以賈海為業下川相近者曰海晏村洪武四年海寇鍾福泉等挾倭船寇海晏下州官兵追討至陽江平之於是徙二山居民入內地遂為荒壤其後生齒漸眾然

海 在縣南志云縣西七里紫霞山其下為紫霞海又有姓洞水源出大隆山山南為大牌海又南二百里逕劍鼓山眾水合焉風濤觸石如銅鼓聲是為銅鼓海至上川山左右為大小金門又西南二百里為番船往來之衝是曰寨門海

半塘水 在縣南源出縣西北馮村坑流入海○雷公潭在縣西一里源出百峯山有龍潛焉龍興則風雷迅烈下流亦注於海

城岡 在縣西南七十里城岡堡有巡司又望高巡司在縣南舊為禱州巡司洪武二十七年以

詞史方輿 卷一百一 廣東二 敦文閣

其地立廣海衛移司於望高村因改今名○那銀堡在縣西南九十里又河木堡在縣西南百二十里河木逕南去廣海衛十五里

倉步營 縣東四十里東北至新會縣之赤水口營三十里相近者又有水流逕營志云舊防新寧上朗張邊恩平交逕等山賊○甘村營在縣東南接順德縣界志云營去倉步營三十里去城岡堡二十里

似悞

石鼓寨 縣東三十里石鼓山上舊寨也縣北八里有石人嶺寨在石人山上志云縣境諸嶺寨大

者如石鼓茅舍茗村石人嶺嶼橫嶺蓮塘洋公逕倉下那西東瓜冲上峒萬羅岡雞頭懷寧等寨嘉靖三十年討叛獠一自南海抵新會壁山砦一自石門抵苦草逕又分左右翼一畧百餘十二寨一畧石鼓十五寨傍午移兵攻黃沙泥倉下寨夜進茅舍梅樹峒等寨賊突圍走牛角厓又進剿盈峒大塘諸寨又克那西上橋諸砦又分兵自牛眠沙進剿茗村懷寧諸砦賊平乃設更鼓那西三合水

金雞頭 諸營

從化縣

府東北三百四十二里西北至韶州府英德縣
特險為亂討平之三年析置今縣治橫潭七年改治
馬場田築城十一年發以磚石嘉靖中重修周三里

有奇編戶
十八里

龍潭山

縣北二十里上有龍湫又雲臺山在縣東北
二十里山巔平行如臺常有雲氣覆之傍有
洞穴容數十人又北山在縣東北八十里三峯峻
拔山半有蘭和谷下為龍潭上有瀑布懸流注於
其中又五指山在縣東北九
十里五峯相連如筆格然

圍腦山

縣西十三里其上有仰天湖又西為三將軍
山又蜈蚣山在縣西五十里麓有鐵場坑相
傳舊嘗於此煮鐵縣西北四十里又有百丈帶山
上有泉注為流杯池○石鼓樓山在縣南三十里其
石層疊下有潭又鷓鴣山在縣南四十里其脈自
庾嶺而來有峯高百餘丈傍一峯差小俗呼為大

讀史方輿

卷一百一 廣東二

三

敷文閣

紀要

小鷓鴣舊志云山在增城縣西南九十里蓋本增
城地也又武臺山在縣南五十里亦有兩峯相對

流溪

在縣南源出韶州府乳源縣流溪山入於北江
合於曲水在縣東有三源一出增城縣界監漢山一
○曲水在縣東有芒潭又五里抵縣前
出縣東六十里之中心山一出縣東概洞流五
十里至白芒潭又五里抵縣前
與流溪水合水甚清淺不通舟楫

犁塘水

在城西源出縣東三十里獅子嶺有石磴水
流會焉曲折流五里至縣西三里之風門
嶺合於流溪志云風門嶺多積水
之崑山半有水孟積水常不竭

流溪鎮

在縣北石潭村舊置砦洪武三年改設巡司
志云縣有上塘營防十八山苦菜塘松子粟
等處巢穴凡三十五處

清遠縣

府北二百五十里西南至肇慶府四會縣百七
十里東北至韶州府英德縣二百七十里漢南
海郡中宿縣地梁析置清遠縣為清遠郡治隋平陳
郡廢縣屬廣州大業初屬南海郡唐仍屬廣州宋因

之城邑考元至正中築土城明洪武二十二年始砌
磚城天順七年為猺賊所陷成化中修築以後又嘗
增修城周八里有
奇編戶十七里

中宿廢縣

縣東北六十里漢置縣屬南海郡後漢因
之梁析置清遠縣又改置政賓縣移東官郡治
焉隋平陳郡廢縣屬廣州唐武德六年并入清遠

縣志云今縣東十二里有
中宿山中宿縣以此名

峽山

舊記黃帝二庶子曰禺陽曰禺號南採阮俞之
竹為黃鍾之管今山上小竹節間長九寸圍徑三
分疑此山即阮俞也亦曰禺山亦曰二禺有兩峯

穹窿對峙東隘江流故曰峽也道家以為第十九
福地有和光洞甚深窈又有標幡嶺在山頂南唐
大歷間哥舒晃叛廣州命將討平之還見二幡於
山頂蓋二禺神之所賜云又觀亭山在縣東三十
五里一名觀峽山或云即峽山之支麓也或謂之
尋峽姚氏云漢樓船將軍楊僕出尋峽峽去始興

三百里近連仁此岫矣○觀音山在
縣東二百五十里高出諸山峯巒層疊
大羅山梧州府懷集縣界獠獠多居其間中有龍潭
賊巢也嘉靖三十六年討平之又漆源山在縣西
百二十五里連山交枕絕峯壁竦漆源山在縣西
為秦王山漆水亦曰秦王水○迴岐山在縣西南
入十里古名觀岐高聳數十仞逶迤環抱有迴顧
縣治之狀下有岐水迴岐驛設於此又臨漢
峽在縣西北五十里兩崖壁立延袤九十里
澧水在縣東北源出大庾嶺迤邐韶州府英德縣界又
南過廢中宿縣至縣東會於滄水漢楊僕下滄
水是也經縣南八十里有黃巢磯相傳
黃巢嘗覆舟於此又南入三水縣界
在縣東自英德縣流入界漢志注中宿縣有滄
浦是也又東南流四十二里至縣東與滄水合
或謂之滄水或謂之洗水漢路博德下滄水即此
又滄水合滄水之處謂之滄口陳大建二年廣州
刺史歐陽紇以州叛陳將章昭達破之於滄口亦
謂之光口宋乾德二年潘美克南漢之郴州劉鋹

讀史方輿

紀要

卷一百一

廣東二

三

敦文閣

三

隴使邵廷珩屯洗口是也志云瀆水亦曰瀆水

溱水 在縣南源出溱源山東流合於瀆水水經云溱

合武水山海經謂之辨水又南合瀆水又西南逕

中宿縣會一里水其扼處名為觀峽春水洑至鼓

橫石寨 在縣東洪武二年改置橫石磯巡司其相近

亦在縣東洪武二年改置瀆江巡司其相近者有

鼓樓岡黃峒水二營俱為戍守處○瀆江砦在縣

楓坑營 在縣西南接三水縣界西防四會之徭其相

等營又龍鎮營在縣北相近有石川逕口鴨春逕

峒賊寨○清遠峽營在萬山中接英德陽山二縣黎

讀史方輿 卷一百一 廣東二 馭文閣

有界排營志云縣境江道北接英德南達三水多

盜賊及黎徭水蛋之患因設金斗角高田黃峒水

及峽口諸營撥兵防戍又有鑼鼓灘板潭禾雲合

獨石砦 在縣境志云縣有獨石黃田田心洋子蓮梗

老虎峒桃枝橫石企石三木坑等十

安遠驛 在縣城西縣東北九十里為橫石磯驛縣西

南八十里為迴岐驛志云縣東又有官莊驛

廣州左衛 在府治北又有廣州右衛在左衛之西俱

為廣州後衛俱洪武八年建又廣州前衛在府治西其北

南海衛 在東莞縣治南洪武十四年建○東莞守禦

千戶所在縣南東莞縣舊城內洪武二十七年

附見

年置有磚城周三里有奇環城為池一名南頭城
備倭指揮亦駐於此又大鵬守禦千戶所在東莞
縣東三百五十里以相近有大鵬嶺而各嶺脈自
羅浮來狀如飛鵬也洪武二十七年置所有城周
二里有奇環城為池俱隸南海衛

廣海衛

在新會縣南一百五十里舊為禱州巡司洪武二十七年改建衛有城三十年毀以磚石

周五里有奇環城有池○香山守禦千戶所在縣治東洪武二十六年建隸都司二十八年改隸廣海衛又新會守禦千戶所在縣城內嘉靖十年建俱隸廣海衛

清遠衛

在縣治東洪武二十二年建

增城守禦千戶所

在縣治南洪武二十七年建直隸都司又從化守禦千戶所在縣城

內嘉靖十四年
建隸南海衛

讀史方輿

卷一百一

廣東二

五

敦文閣

連州

府西北五百六十里東北至湖廣郴州三百五十里西北至湖廣道州五百五十五里東至韶州府四百里西至廣西賀縣二百六十七里

春秋時楚地秦為長沙郡之南境兩漢屬桂陽郡三

國吳改屬始興郡晉因之宋泰始中置宋安郡大豫

初省入廣興郡齊仍屬始興郡梁置陽山郡隋平陳

郡廢改置連州大業初改為熙平郡唐武德四年復

曰連州天寶初改為連山郡乾元初復故五代時屬

湖南漢乾祐三年入於南漢宋仍為連州亦曰連元

至元十七年曰連州路屬湖南道十九年降為州東道以

州治桂陽縣省入明洪武初省十四年復置州編戶

里屬廣州府領縣二今因之

州北接九疑西通桂嶺控郴永之噤喉為廣州之肩背漢平南越一軍出湟水宋伐南漢自連州進克韶州明初陸仲亨以贛州之師由韶州出連州擣肇慶以西蓋介五嶺之口為四出之途嶺南形勝斯為最

矣

桂陽廢縣

今州治漢置縣屬桂陽郡元鼎四年伏波

將軍路博德將軍屯桂陽待使者既又出桂陽下湟水即此也後漢亦曰桂陽縣孫吳屬始興郡晉因之宋泰始中分屬宋安郡尋還屬始興齊仍屬始興郡梁為陽山郡治隋為連州治唐宋因之元省縣入州輿地志云連州桂陽縣漢屬桂陽郡因謂之小桂西魏圍江陵王琳自廣州入援將兵自小桂北下至蒸城蒸城見湖廣衡陽縣姚

讀史

方輿

卷一百一

廣東二

三

敦文閣

紀要

思廉曰小桂嶺名或即今之桂陽山城邑考桂陽城劉宋元徽中湘州刺史鄧魯劄築宋皇祐四年因舊址增拓元祐紹興及寶慶中皆嘗增修明洪武二十八年復燹以磚石正德四年修葺有門三城周二里有三

岡溪廢縣

在州西北沈約宋志泰始六年立岡溪縣屬湘州大豫元年縣與郡俱廢

順山

州東四里劉禹錫記邑東之望曰順山由順以降無名而相依者以萬數回環鬱繞疊高爭秀

西北朝拱於九疑乃州之第一山也又東一里曰巾山一名翠巾峯平地聳起凡百餘丈崔嵬冠於羣峯其木多楠栢之屬九疑見湖廣名山

桂陽山

藤蘿蔽之洞內之泉流出東入於韶州舊縣

名桂陽以此又西北五里曰白鶴山石峯四面如掌相傳有陳真人者騎白鶴上升而名○方山在

州北二十八里志云山遠與九疑對峙凡數百里其東南有水出焉下流達於湟水又北十二里曰

冠峯也又北十三里許有五峯狀如芙蓉亦各芙蓉峯或曰即蓮花峯也宋潘美破南漢之兵於此又圭峯

在州西北十里衆山環繞惟此峯端立如執圭○天際嶺在州西北十五里一名崑湖山下瞰崑

湖而各連延而西入連山縣界又秀巖在州西北五里山有懸石如滴

翠乳一名大雲巖雙崖壁立垂石飛瀑下注深潭

楞伽峽即湟水所經也唐顯慶四年連州山水暴出

漂七百里餘家即峽中水矣宋嘉泰二年崖崩水壅

谿谷倒注舟楫不通田廬墊溺患及城邑州刺史

楊窳等疏鑿之三載底平葉適記曰湟水會流而

東南出東兩崖間湍怒激躍勢傾百里府行必踰

峽始可無患是也下有貞女石相傳貞女化石處亦名貞女峽

紀要 讀史方輿 卷一百一 廣東二 三 敷文閣

湟水在城東自陽山縣流入界又南入韶州府英德

也今詳見大川北江源出湖廣宜章縣黃岑山

桂水南流入境俗名奉化水流合五溪水寰宇記五

溪者滄浪水崑湖水橫溪水葉腐溪水相思水

也一云五溪源出方山五派合流注於湟水

盧溪水州西北二十里源出湖廣藍山縣有盧龍水

為龍潭東流歷楞伽峽注於湟水○雙溪水在州

西南三里其上流為樂簪溪古名斟水一出連山

縣界亦名獲水逕縣西九里合高良水又東為雙

溪水注於湟水又連口水舊志云源出桂陽縣西

北百十里石塘村亦曰漣水東

南流注於湟水或謂之鬱連水

雞籠關州西三十七里有兵戍守志云自州界

陽山縣至韶州府樂昌縣百八十里漢置縣屬桂陽郡

後漢改曰陰山縣三國吳省入含淮縣晉復置陽山
縣屬始興郡宋齊因之梁屬陽山郡隋屬連州唐宋
因之元屬桂陽州明洪武二年屬韶州府
十四年改今屬城周二里有奇編戶六里

陽山故城 在縣南漢縣治此唐神龍初移縣治於淮
水北即今縣治城邑考縣舊無城天順七
年始營磚城成化以後
屢經修築有池環之

宣樂廢縣 縣南百里梁置梁樂縣并置梁樂郡隋平
縣大業末廢又游安廢縣在縣西南
亦梁陳間置隋屬連州大業末廢

賢令山 讀書巖山以愈名也又縣東北二里有石崖
縣北二里唐韓愈為陽山令嘗讀書於此有
山上有石壁如板○陽賢山在縣西南十里高出
衆山日光先照故名有兩峯上聳亦名了髻山

寶源山 縣東三十里山產黑鉛居民嘗採取之宏治
九年奸徒相結為盜始禁不復採又銅沙山
在縣西南七十里舊嘗產銅○同官峽在縣西北
七十里脈自連山縣黃連山來有峽水東流注於

讀史方輿 卷一百一 廣東二 敦文閣

渥水志云峽今
彝為同官村

涯水 在縣東即渥水也亦曰滄水自湖廣寧遠縣界
東南流入縣境復折而西南入連州界志云同
官峽水東流合渥水又流過城南為陽溪水又南
十里曰龍坂灘側溫泉四時不竭又南十五里
為龍宮灘韓愈云陽山天下之窮處也水則江流
悍急橫波之石廉利侔劍戟舟上下失勢破碎淪
溺者往往有之

閩水 縣東二里其地有東巖水源出焉南流四里為
潮泉泉源消長與潮汐同候也俗亦謂之桃江
又有兩溪水源出韶州府乳源縣流

湟谿關 在縣西北秦置漢武伐南越兵出桂陽下湟
水即此新唐書陽山縣有秦湟谿關郡國志

陽山關 在縣北當騎田嶺路秦始皇二十六年既定
南越遂於此置關史記尉陀移檄湟谿陽山

關曰盜兵且至急絕道聚兵自守是也姚氏曰縣去騎田嶺不過百餘里嶺即郴州之黃嶺山也

星子鎮

在縣北有巡司西有朱岡巡司縣東有西

連山縣相近為高灘營接白芒老鴉坑諸險路置

兵戍守又西有飯饒營接稍陀白水諸路通廣西

懷集縣石角山嶺又有大真營亦在縣西名青洲

接懷集縣黃潭山諸路并防汾水凹山賊相近又

馬丁民營

在縣西南橋下山接廣西懷集縣界防古

西南烏石峒通四會清遠大羅等山險路防大牽

焦坑黃沙坑諸賊相近有梅花逕營地名白竹黃

石盤關

在縣東南地名大青藍關相通英德縣界防杉木

源縣莽山險路東有小青藍關相通雷峒大橋諸處

請史方輿

卷一百一 廣東二

三五

敷文閣

紀要

坪亦接莽山界防黃沙坑嶺賊又長塘關在縣東

北地名大東山路通湖廣宜章縣○旱塘關在縣

西地名坑塘路接廣西懷集縣界防清油草塘賊

路又佛子逕關在縣西南地名牛皮巖與李峒營

連山縣

州西二百七十里北至湖廣寧遠縣二百十里

廣德縣屬陽山郡隋改縣曰廣漢屬連州仁壽初改

日連山大業初屬熙平郡唐復屬連州宋因之紹興

六年廢為鎮十八年復故明洪武二年屬韶州府是

連山故城

在縣西北志云縣在前代遷徙無常洪武

天順三年為獠賊所破六年賊平議者以縣在萬

山道塗險遠且多瘴癘乃相度雞籠關內小水

熙平廢縣

在縣西三國吳置尚安縣屬始安郡晉太

康初改曰熙平縣宋因之齊置齊樂郡梁

陳仍舊隋平陳廢郡縣屬連州大業末廢又有武
化廢縣在縣西南亦梁置隋屬連州大業末廢

長逕山

縣東九里中有長逕通往來夏瑜記云山在
城東四里高數百丈周二十里脈自州東市

子山來山勢中斷若蜂腰然有逕路連民出入必
由此西通懷賀北抵錦田路多石壁懸崖可徒行

不容車騎春夏山水漲所過衝薄蕩齧雖歲加
葺治而圯壞不免天順初廣右峒蠻越境寇掠據

縣為巢路益崩壞六年寇平知縣孔鏞脩復縣治
以山當出入通衢不容秦塞乃重闢之鑿其阻險

天梯山

縣北百五十里高險無草木行者難若升天
又上葉山在縣西北百六十里山險峻為窟

獾窟穴又崑湖山在縣東北二百里下瞰崑湖
水瀆湖羣山四擁稱為奧區一名天際嶺東南至

州城十五里

黃連山

縣西百五十里峯巒連絡多草木與廣西接
界又巍峩山在縣南四十里高險不可登○

讀史方輿

卷一百一

廣東二

三

敷文閣

紀要

連營峒
在縣西

梁峒水

縣東南十九里有上吉水流合焉又縣南六
縣北十六里大龍山下流亦入於湟水○大龍水在

白沙營

在縣東地名茅舖岡防雜籠關臺子岡諸山
賊臺子岡即長逕山路之險也又黃南營在

縣南防沙田峒黃南梅水界巢賊向係樂昌縣民
壯戍守相近有沙坊營係仁化縣民壯戍守○大

眼營在縣西地名上章峒防草峒大小眼及賀縣
上下均峒鹹石等山賊又拳石營在縣西北地名

三禾峒防大冲倒水及湖
廣界蕉花石角等處賊巢

連州守禦千戶所

在州治西洪武二十
八年建隸清遠衛

肇慶府

東至廣州府二百三十里西南至高州府七百
七十里西至廣西梧州府四百里北至廣州府

連州五百二十里自府治至布政
司見上至京師七千四百二里

禹貢揚州南境春秋時爲南越地秦爲南海郡地漢

初爲南越國地武帝平南越爲蒼梧合浦二郡地三

國吳及晉屬蒼梧郡劉宋分屬南海郡又置綏建郡

治四會縣梁增置高安郡治高要縣隋平陳郡廢改置端州大

業初又改爲信安郡唐武德四年復曰端州天寶初

曰高要郡乾元初復故五代時屬於南漢宋初仍曰

端州亦曰高要郡元符三年升興慶軍節度重和元年又

升爲肇慶府以徽宗潛邸也又賜軍額曰肇慶元曰肇慶路明洪武

初復爲府領州一縣十今因之

府帶山控江延袤數千里據廣州之上游當賀梧之

讀史方輿 卷一百一 廣東二 三 敷文閣 紀要

津要漢武帝自巴蜀發夜郎兵下牂牁江會番禺即

今西江路也梁大同中交阯李賁作亂以楊暉爲交

州刺史討之命定州今梧州府刺史蕭勃會暉於西江蕭

子顯曰兩江川源深遠宋齊以來皆別置督護專征

討之任陳霸先爲西江督護高要太守是也李吉甫

曰端州當西江口入廣西之要道明初廖永忠等奉

命平廣西亦由肇慶泝西江而上抵梧州蓋郡爲兩

粵之要膂東西有事此其必爭之所也

高要縣 附郭漢縣屬蒼梧郡後漢及晉因之劉宋改屬南海郡齊因之梁爲高要郡治唐宋以來州郡

皆治此今編戶九十八里

高要城 卽今府治漢置縣治此宋皇祐中始築州城

復增拓之天順嘉靖間皆嘗修築有門四城周四里有奇

平興廢縣 志府東南八十里劉宋置為宋隆郡治沈約

綏寧新建四縣為宋熙寧二十七年改置宋隆郡領平興初寧建寧招興崇化熙穆崇德等縣孝建

中復改為宋熙寧郡齊時亦曰宋隆郡隋平陳郡廢以平興縣屬端州諸縣悉并入焉唐因之宋并平

興人高要縣一統志府東南三十里有廢崇州宋元嘉中置尋廢悞郡志以為宋隆郡故址又云平

興廢縣今為黃村都成化十一年割人高明縣去高明城五十里

博林廢縣 在縣西南梁置屬新寧郡并置撫納縣隋

信安郡唐屬端州貞觀十三年省

石室山 府北六里一名圓屋山亦各高星山或謂之

定山山有石室自生風煙南北有二門中可

容百餘人號為神仙下都其前有浦曰高星浦傍有聳石廣六十餘丈高二百餘仞謂之崧臺又有

七星巖連屬曲折列峙如北斗巖之中亦為石室容數百人又有斗魁臺唐初所築巖之左為石洞

穹窿宏敞前後二門頂開中雷巨石覆其上春夏間潦水泛溢島嶼平沒惟此高聳特出水中又東

逾瀝湖半里許曰屏風巖又里許為閩風巖從石室而西半里則為天柱巖又里許為蟾蜍巖又半

里許為仙掌巖西北二里曰阿陂巖延袤凡數十里瀝湖環流其下可通舟楫又有北山亦各北嶺

在縣北十里高千仞盤亘百餘里為府治之後山峯巒聯屬若屏障然其中一峯屹立雄偉名將軍

嶺蓋卽石室之支阜也又府東北十里曰獅子岡在七星巖之東中峯嵯峨陵阜盤鬱

銅鼓山 府南二里高千仞周三十餘里府治之案

十里為神符巖有南北二巖相向南大北小皆奇勝小巖口又有龍井四時不涸○雲從山在府南

三十里高百丈周五十餘里峯巒疊嶽秀出天表新宅水經其下

紀要

讀史方輿

卷一百一

廣東二

三

敷文閣

高峽山

府東三十里高百餘仞周十里與爛柯山對峙江流至此夾束而出一名高要峽漢以此名縣相傳山有靈羊每出鳴風雨隨至亦名靈羊峽靈一作鈴三國初吳交州刺史步騭取南海劉表大將衡毅錢博等逆戰於峽口兵敗毅死之即此處也水中有亞婆頂釣魚臺皆最湍急處○爛柯山在府東南四十六里一名柯斧山舊傳王質觀其處亦各端山峽之對山也高數百仞周五十里其上狸人所居江水經此謂之端溪隔溪有二巖石可為硯吳錄曰端山有五巖半邊巖後礫巖穿硯硯史云巖有四曰下巖上巖半巖後巖巖穿硯硯深入不論四時皆患水浸治平中貢硯取水月餘方及石自仁廟以前賜史院官硯多是其後歲貢惟上巖耳一統志硯石凡三種巖石為上西坑次之次之

之後磨又次之

頂湖山

府東北四十里山高千餘仞周數百里為一不竭又東北十里曰九坑山高五百餘仞周五十餘里出泉九派舊有茶園四十四所徭人居之○

讀史方輿

卷一百一 廣東二

三

敷文閣

湘峽山

勞山在府東北百里高數百仞周三十里山徑險狹樵人憚勞因各皇祐四年儂智高犯端州守李寶臣曰若得兵數千人伏小湘峽扼至險以擊驕兵可必勝也即此志云府西有小湘大湘二水俱流至峽中入江○望夫山在府西六十里高百仞周百里屹然際天郡國志古端州有望夫山又騰豺山在府西百里亦曰騰豺嶺山勢險峻有異獸或謂之騰猿亦曰騰

王侯峯

府東南七里高數百仞周三十五里志云宋元豐中郡守王泊葬其下峯因以名又金洲岡在府東南九十里巨石峻响高數十仞周數百丈屹立江流又十里為羅鬱岡亦橫屹江面潦漲時漩渦頗險亦西江捍門也又白猪岡在府西南五十里高百丈周三里岡有石如猪岡在府西南西一里有三臺岡三岡鼎峙狀若三星府西北一里又有龍頂岡高五丈周二里林木蒼蔚軍民環

居其下

大江

在府城南一名西江亦曰西水元和志端州當
川德慶繞郡城而東南入廣州府境注於海每淫
雨則江漲暴至且為羚羊峽所束郊原皆溢諺曰
水浸釣魚臺上下不通來釣魚臺者峽中山也峽
江旋東溢為渦塘皆有漁人恣取之併多得蟹西
水退盡蟹亦蛻殼諺云西水漫漫

新江

府南六里源出新興縣亂山中北流百四十里
入於大江謂之新江口又新宅水出羅定州東
安縣之苟逕山紫迴曲折北流注於新江又博峒
水出東安縣之書山紫繞而東北出凡八十餘里
注於新江又有孔洞水在縣南五十里亦北合新
江水府南又有示峒水源出高明縣老香山北流
七十里亦入新江

蒼梧水

府東南六十里一名典水源出爛柯山初為
瀑布東流屈曲二十里入大江又只水在府

讀史方輿

卷一百一

廣東二

三

敷文閣

東入十里自四會縣南入界一名鴉雀水又名安
南水亦各飛水流入大江又清岐水在府東九十
里自四會縣緩江分流入境一名古武水南流入
大江自昔設關隘於此為屯兵用武之地因名○
古婪水在府東北七十里源亦出四會縣界南流
入大江

宋崇水

府東南九十里西北流至府東南二十五里
宋崇渡口入大江有鷓鴣峽水注焉本名宋
隆以故郡為各唐諱隆曰崇志云鷓鴣峽水源出
高明縣老香山經府東金雞營亦名金雞水其下
流分二派一合宋崇水一合都舍水入大江洪武
中潦決泛浸高明永樂中修塞正統三年復伐石
隄防高明始無水患又復源水在府東南九十里
自大江分流而西南還合大江因名○都堰水在
府西七十里源出德慶州界大朝山流入境又有
笋峒水亦出大朝山流經府西五十里皆注於大
江

瀝湖

府北五里北山諸澗之水匯為黃塘上攬塘又
石室諸巖之水皆流合焉春夏潦漲極目浩淼

多蒲魚菱茨之利湖水環流經巖後東為小渠謂
之後瀝水繞北山石子灘三十里出靈羊峽入江
又有新瀝水萬歷中守臣王泮分引瀝湖經城東
一里石頭江出大江以洩漲潦○東州沙在靈羊

峽口之東江中
有居民數千家

祿步鎮

府西七十里舊為祿步寨明初改置巡司洪
武二十一年自祿步上村遷於下村水口又

府東七十里有橫查巡司洪武二年置嘉靖三十
六年遷於橫查水口又古耶巡司在府東九十里
本古耶寨在府東百五十里明洪武四年改置巡
司嘉靖二十五年移置於此崇禎二年以橫查巡
司并

金雞坪營

在府東四十里雲頭山與高明縣九曲逕
相接嘉靖二十五年置又貝水營在府東

七十里近大河嘉靖十一年置○白泥營在府西
百三十里宏治六年設相近又有雲初營正德五
年設又府西九十里有霧逕營嘉靖二十四年設
又蔡逕營在州南百十里嘉靖十六年設又南有

讀史方輿 卷一百一 廣東二 姜 敦文閣

白泥埠二十八年前所設也又苟
逕營在府南百里嘉靖五年設

崧臺驛

在城西又新村驛在府西百二十里舊置於
德慶州之站灣洪武五年移置於悅城水口

卽此驛也輿程記新村驛而西為悅城鎮又西為
三洲嶼共百里而達德慶州此為西達梧州之道
自崧臺驛而南九十里為新興縣之腰鼓驛又五
十里至新興縣為南達高州之道○河泊所舊在
府東二里明初

置萬歷中革

林田山砦

在府西獠寨也又府西百餘里有大臺山
獠寨府東南有花頂山諸獠寨志云高要

縣獠山凡
九是也

高明縣

府東南六十里西南至新興縣七十里東南至
新會縣九十里本高要縣地明初設高明巡司

於此正統末山寇鄧宗遠等屢作亂成化十一年督
臣吳琮等請改置今縣從之十六年築磚城環城為
濠正德以後屢經修築周
三里有奇編戶十八里

清泰廢縣

縣東二十里本高要縣地蕭梁置梁泰縣
業初省縣入平興縣唐武德七年復置貞觀十
二年省舊志云在府東七十里今為清泰都

慶林山

在治北一里一名春富山上有石巖多林木
又五龍山在縣東北十五里為鶴山高五百

中有一阜圓如珠又東北十五里為鶴山高五百
餘丈與此相接又靈雲山在縣東北三十里尖峯

插漢上有石泉麓有三峯一名三台山○明峯山
在縣西北二十五里頂平高三百餘丈周五里兩

峯並峙形如朋字其相接者為官逕山志云脈自
老香山來東西連綿中有通逕二十里為入郡之

道又表山在縣西二十里高百餘丈廣三十里高
出眾山之表稍南有蟾蜍逕舊為官軍防戍處

千歲山

縣西南三十五里形勢突兀高百餘丈周十
餘里又縣西五十里曰文儲山與千歲山相

接高三百餘丈周百五十里羣峯峻嶒有飛泉滙
而成淵名曰聖潭○歌樂山在縣西二十五里高

三百餘丈周二十里峯巒聳秀四時風聲如音樂
然又粟砦山郡志云在縣西南四十里高數百仞

讀史方輿

卷一百一

廣東二

三

敦文閣

周百里有石壁飛瀑下流成潭一名武陵溪又
西南十里為雲宿山高百餘丈周五十里接新興

老香山

縣西北六十里高七百丈延袤五千餘里多
產香木猿人結巢其上南接新興縣界舊志

山一名通利山以山多嘉木美竹為民利云○鹿
峒山在縣西南二十里高二百餘丈延袤四十餘

里拱向縣治羅列如屏趙陀嘗獲白鹿於此名白
鹿臺又縣南三十里為龍峒山泉石甚勝亦名龍

皂幕山

縣南四十里即曹幕山也連新會縣界與藥
逕山相接高千餘丈延袤二百餘里舊志謂

之奢山有丹砂蠻語譌砂為奢也在縣東南百
七十里似嶼○雲响嶺在縣東南四十里接新會

縣界其東麓與南海縣大茶嶺相接出鉛鑛又石
船逕在縣西南七十里路達新興舊為獠賊逕來

要害設兵防戍志云縣西北十五里有平頭逕即
鷓鴣峽也老香山之水流經此入高要縣界為金

雞水

倉步水

在城南一名滄江亦名滄溪源出老香山東文儲歌樂諸溪又東南流遠近大小諸溪次第流入焉至縣東南七十里入於大江郡志倉步水至縣東四十里名泥濬水又東五里名三洲水又五里至龍攪灣名都含水府境東南諸水皆附倉步水入江一統志謂之鈞源水

清泰水

縣東南十五里源出阜幕山東流三十里合黃沙羅漢諸水又北流十餘里合倉步水舊以此名縣一名獅子水以水中有石如獅也俗謂之楊梅水○官棠水在縣東四十里志云府東百二十里有官棠山官棠水出焉亦名漚濬水入縣境合倉步水舊通大江元至正中泛溢為害因築之塞

范州水

讀史方輿

卷一百一

廣東二

毛

敷文閣

縣東三十里源出靈雲山接府東南百十里之北港水匯牛圍水入倉步水元至正初北

太平鎮

港水自羅鬱港引大江入境鄉民病潦因塞之萬歷九年濠潦為患乃復疏濬謂之騰蛟港縣東五里舊為高明縣因遷司於太平都改置巡司宏治中置高明縣因遷司於太平都改置巡司宏巡司尋遷都含海口又遷山臺寺萬歷十年遷於石奇海濱○都含海口營在縣東四十里近大江嘉靖二十三年置又長圳營在縣東五十里近大江嘉靖二十六年置防中圍石子洲一帶江賊又縣西南五十里有長崗營嘉靖二十六年設縣西四十里又有劬塘營嘉靖二十九年設近志縣有山臺長崗雞籠赤水四營

古道逕營

在縣北接高要縣界志云縣南三十里有雞籠逕營在赤藥二逕之間萬歷十一年設○赤麻逕在縣東南三十里為新會賊往來門戶又風凹徑在縣南三十五里大下逕在縣西三十五里石船逕在縣西南七十里近麥板村當新興西山盜賊往來之路又錢窟逕在縣西七十里官逕在縣北五里已上諸逕向皆設官兵戍守

四會縣

府北百三十里東至廣州府三水縣九十里東

百八十里秦置四會縣屬桂林郡漢屬南海郡後漢

因之晉仍屬南海郡宋元嘉十三年置綏建郡齊梁

德五年置南綏州貞觀八年改為滇州十三年州廢

縣屬廣州宋開寶五年省縣入南海旋復置熙寧五

年改屬端州元屬肇慶路明改府縣屬焉今城周三

里三十里

南綏州城 卽今縣宋置綏建郡隋廢唐置南綏州貞

觀中廢一統志府西六十里有廢南綏州

誤也城邑考縣舊無城洪武二十四年始立棚

為城天順三年始築磚城正德以後屢經營治

樂昌廢縣 在縣北劉宋置縣為樂昌郡治兼領始昌

以樂昌縣并入隋郡廢又并始昌等縣入四會縣

寰宇記縣西北五十里有化成廢縣地名岡谷劉

宋元嘉中分四會縣地置尋廢今沈約志不載

紀要 讀史方輿 卷一百一 廣東二 敦文閣

金岡山 縣北一里縣之主山也一名金山又名金雞

筆架為縣治之案山○倉岡山在縣西三里林巒

高聳而深杳南漢嘗建倉貯兵儲於其上因名其

西南一而俯瞰綏江又廣正山在縣

扶盧山 縣東四十里高百丈周四十里上有池四時

有六士山以六峯聳列而名○百僚山在縣北五

十里形勢高聳有崇岡疊巘四面拱合如百僚然

又北十里為白馬山

山勢如馬奔馳也

相對岡

縣東南十里兩山屹峙為縣治噤喉其相近

北十里嘉靖中鄉人立砦其上又縣北四十

里有塌岡天順中西寇流劫鄉人屯此為寨

緩江 縣南一里名滑水又名緩建水其上源即廣

西懷集縣懷溪諸水也流三百餘里入縣界從

峽中迴繞而下漫流至縣前江面空濶古緩建郡

以此各環繞而下漫流至縣前江面空濶古緩建郡

一由高步出清溪入西江一由金釵灣出南津入北江是為三江之會舊志四會縣以縣東有古津水滇江水西有緩水北

龍江縣北百里源出石港潭灘石隘險至金溪始漫流可通小舟經縣東北二里出金岡山下會於江

南津鎮縣東南六十里有巡司志云南津巡司舊置於縣東七十餘里黃岡村洪武十七年移置

於南津水口是也又金溪巡司在縣北五十里洪武初置

大坑營在縣北五十餘里又北有大逕營俱嘉靖十年設又

沙田營在縣東北三十餘里亦嘉靖二十年設又鶴瓜營在縣東北五十里嘉靖二十九年設近志云縣有太平雙江等營○深坑山寨在縣北猺寨也志云自縣而北接清遠縣界西北接懷集縣界遠近猺山以數十計

讀史方輿卷一百一 廣東二 三 敷文閣

廣寧縣府西北二百九十里東南至四會縣百八十里西至廣西懷集縣二百二十里本四會縣地嘉靖三十七年平大羅山賊因析置廣寧縣治大圍村

新招廢縣在縣西新招村沈約宋志本四會縣之官細鄉元嘉十三年分置新招縣為緩建郡治齊梁因之隋郡縣俱省唐武德五年復置新招縣屬南緩州貞觀初省○化蒙廢縣在縣東南沈約志本四會縣之古蒙鄉元嘉十三年置化蒙縣屬緩建郡齊梁因之隋平陳改屬廣州大業初屬南海郡唐屬南緩州貞觀十三年改屬廣州

化穆廢縣縣東南五十里劉宋置屬緩建郡齊梁因之隋廢唐復置屬南緩州貞觀十三年廢

齊梁因之隋廢唐初復置屬南緩州貞觀初廢又威成廢縣在縣西南蕭齊時置為晉康郡治梁陳

因之隋廢郡縣屬化州大業初省入化蒙縣唐武

化穆廢縣

德五年於懷集縣置

福星山 在縣治北圓秀如覆斧城跨其上又樂安山

三里嶺有獅子山上有巖稱奇勝又南七里曰三台

山三峯鼎峙為邑案山○石澗山在縣南三十里

夾山 縣北四十里兩山夾峙水從中出旁山連延多

五里坑有九十九坑皆相似行者失道三日乃得出

又東北二十里為烏坭坑山路通清遠頗險仄志

峒山設縣後

花山 縣西北八十里昔時獠賊險巢也今有兵營又

賊淵藪今為往來通道○石燕山在縣東百二十

讀史方輿 卷一百一 廣東二 旱 敷文閣

高望山 泉澄澈又西二十里為三宿山高百餘丈周

三十里上有三峯如列宿一名三足山又森洞山

在縣東百里山洞巖險林木森秀其相近者為磨

峒山舊皆為獠賊淵藪今平志云縣西三十里有

馬石山在扶溪上周十餘里○潭圍山在縣東南

六十里連山險峻至此稍平縣治初建於此尋移

入於 今治旁為春水山多材木春水出焉西流三十里

綏江 縣西四十里廣西懷集縣境諸水匯流入縣界

扶溪水 縣東十里源出清遠縣羅山岡西流數十里

匯焉南流入於綏江○羅源水在縣東南百三十

之經四會縣界合 龍江而注於綏江

顧水

縣東北四十里源出清遠縣西流入境南流至
顧水口入綏江上流有美材巨木商人從水口
作巨筏而下貨於南海○新招水在縣西五十里
源出高望山又程村水在縣西南百里源出高要

縣界其下流
皆合於綏江

扶溪鎮

在縣南有巡司本屬四會縣後改今屬志云
萬歷十一年改置於官埠○黃沙營在縣東南百
二十里一名南綏營又南有古竈營俱嘉靖十二
年設又黃桐營在縣

西南嘉靖十一年設

企岡營

縣北八十里相接者曰花山營俱嘉靖三十
九年設防顧水一帶及營後螺殼賊巢最爲
險要縣西北八十里又有得勝營萬歷四年設
當懷集開建諸賊巢要路○峽徑營在縣東北舊

屬四會縣後改今屬縣境又有塘角
道遙等砦及官埠扶羅程村三水哨

新興縣

府南百四十里東北至高明縣七十里西北至
羅定州東安縣百二十里西南至陽春縣二百

卷一百一

廣東二

聖

敷文閣

紀要

二十里漢合浦郡臨允縣地晉初析置新寧縣屬蒼
梧郡永和七年分立新寧郡改縣爲新興宋齊因之
梁兼置新州隋郡廢州存大業初州廢縣屬信安郡
唐武德四年復置新州仍治新興縣天寶初曰新興
郡乾元初復故宋仍曰新州亦曰新興郡元至元十
六年升爲新州路十九年復降爲州明初州廢縣改
今屬城周不及四
里編戶五十五里

新州城

今縣治志云東晉置新寧郡治南興縣蕭齊
爲新州治博林縣梁新州及郡俱治此隋唐以來皆
石修築子城紹興十四年州守黃濟拓而大之遶

城植竹號曰竹城竹有芒刺蓋豚不能入亦曰
笏竹城明洪武十三年增築土城於竹城內天順

七年爲賊所破賊平改築磚城
環城爲濠宏治以後屢經修築

臨允廢縣

縣南七十里漢縣屬合浦郡後漢因之三
屬新寧郡宋齊仍舊隋廢○索廬廢縣在縣南三
十里梁初置屬新寧郡隋屬新州大業初廢唐武

德四年復置仍屬新州乾元後以索盧縣省入又
單牒廢縣志云在縣東二十五里晉末置宋屬新
寧郡齊梁因之隋廢唐武德四
年復置仍屬新州貞觀中廢

新昌廢縣

縣東十餘里唐武德四年析新興縣置屬
新州貞觀中廢郡志縣西去新興縣治數
十步蓋皆為新州郭內縣也又南興廢縣在縣

雲斛山

縣北十五里高百餘仞周五十餘里山谷幽
深常有雲氣又北十里為雲塢山高廣與雲
斛相埒志云縣北六里為端峯山高五十餘仞周
八里屹然端正為縣主山○宜路山在縣西北二
十里高七十餘仞周四十餘里平岡坡陀路經其
上其相近有小温峯高三百餘仞周三十餘里嶒
嶸接天下有小温村又鶴山在縣西八十里高百
餘仞周五十里形勢崛超上多松又老香山在縣
東北五十里與
高要高明接界

新寧山

縣西南二十里高二百餘仞周二十五里山
勢高聳為一邑之鎮又錦山在縣西南三十

紀要

讀史方輿

卷一百一

廣東二

聖

敷文閣

里高百餘仞周五十餘里其上花木如錦又儀峒
山在縣西南八十里縣西南百里又有贅峒山俱
高三百餘仞周五十里其間千崖萬壑深杳莫測
猿人據險為巢○佐隍山在縣西七里高三百餘
仞周三十餘里環繞縣右其並峙者曰寶蓋山又
碧岡山在縣西二十里其相近者又有雲幹山俱
高聳盤回皆二三十里稍
南三十里曰索山亦高峻

大羅山

縣東二十里高八十餘仞周二十里山狀如
屏羣峯羅列其下其並峙者曰思防山以山
形峭拔登者嘗防阨危而各稍南曰羅陳山山亦
高廣居民多羅陳二姓○碧雲山在縣東三十里
高百仞周六十餘里其旁相接者有嵐岡山又有
通利山皆高廣志云通利山一名利山多竹木為
民利即老香
山之南麓也

天露山

縣東南七十里險峻插天頂有巨石泉出其
旁注為龍潭又雙官山在縣東南五十里高
百餘仞周三十餘里數峯相連有五峯崑然秀出
因名○龍山在縣南三十里高二百餘仞周五十

餘里蜿蜒如龍蟠又南十里日筆架山高三百餘
仞周百里以形似各志云縣南二十里有霍山山
高大下多霍姓者因名

雲宿山

嘗結巢於此一名雲岫山成化初按察副使
毛吉追賊至此遇害又縣東七十里有獨鶴山俗
呼獨鶴尖下有獨鶴驛與恩平縣接界又鳳華山
在縣東六十里高四十餘仞周二十餘里山勢軒
翥如鳳亦接恩平縣界又曹幕山在縣東百十里
接高明新會縣界聳翠參天中通一線左右岡隴
如帳幕然一名皂幕山

望州嶺

縣東五里高七十餘仞周十餘里登其巔恩
高亦百餘仞周二十里皆見又東五里有十里峯
嶺在縣東南四十里高百餘仞周五十里或譌為
賢嶺又大面嶺在縣東南五十里高二百餘仞周
四十餘里路通高明縣又東南五十里為府君嶺
路通高要縣志云縣西南百二十里為冬瓜嶺高
二百餘仞路通陽春羅定東安形如冬瓜又蟠龍

讀史方輿

卷一百一

廣東二

望

敷文閣

岡在縣西南二里高
三十餘仞蟠旋如龍

新江

在縣城東北十里其上流合諸溪澗水漚流而
北出曲折百四十里至府南新江口入大江○
盧溪水在縣南發源李峒嶺經盧村過龍山繞縣
城東門北流合錦江水又經山水在縣西南七十
四里源出大嶺西流至河頭與天塘水合又北十
里與藍坑水合又北五十里至山口即二十四山
路口也又北二十里至洞口南去縣五里與盧溪
水合為新江之上流凡商賈往高雷必拖舟至河
頭乃登陸

天露水

在縣東南源出天露山流至城東門合盧溪
水又縣南有清溪水出筆架山思龍水出龍
山俱流會盧溪水○夾岡水出縣北一里之夾岡
合錦山水流十里至洞口合盧溪水又縣東有通
利水流合縣東八里之索

立將鎮

縣西南八十里有立將巡司今改屬東安縣又縣東八
里舊有羅苛巡司

十里有四合巡司俱洪武初置又有廢福緣

東營

巡司在縣南三十里洪武元年置十五年廢

縣東三里又通利營在縣東十二里嘉靖二十八年置
又通利營在縣東四十里亦嘉靖二十四年置
高村營在縣東六十里嘉靖四年置相近又有蘆
村營嘉靖二十八年置又平安岡營在縣東南八
十五里縣東南九十里又有石子營俱嘉靖四年
置

張公腦營

縣西南五十里嘉靖三十年置又西南二

十里有第八營嘉靖元年置又茶崗營在
縣南二十里嘉靖四年置襄岫營在縣南四十里
嘉靖二十七年置○良岫營舊志云在縣西北三
十里嘉靖三十七年設又伯岡營在縣南七十里
嘉靖三十九年設又下洋營在縣西為二十四山
要地置兵巡戍山口河頭諸處兵防考縣境增置
茅田逕腰古東利迴龍四營後又添設冷水營守
縣西北雙橋諸處藍坑
營守縣西南天塘諸處

讀史方輿

卷一百一

廣東二

四

四

敷文閣

黃三坑砦

在縣西猺巢也志云縣四境諸猺山凡數

縣西嘉靖三十七年督臣王勛以德慶瀧水陽春
高要高明新興恩平連界黃三坑鐵場石人背山
棗坪諸賊巢盤據萬山中巖谷險峻林箐叢密賊
首盤永賢等恃險肆惡乃議征勦一軍由瀧水江
沙田登陸進勦山棗坪等巢一軍由南岸登陸進勦石人
背諸巢賊大窘奔集雲浮山復
追破之雲浮山在東安縣界

新昌驛

在縣治東郡志云即廢新昌縣治似悞又驛

古驛在縣北五十里舊無城宏治八年以猺
賊劫掠乃築城戍守又獨鶴驛在縣

陽春縣

府西南三百四十里東北至新興縣二百二十

百里漢合浦郡高涼縣地梁始置陽春縣及陽春郡
隋平陳郡廢縣屬高州唐武德四年乃置春州天寶
初曰南陵郡乾元初復為春州宋熙寧六年州廢縣
屬恩州元因之明初改今屬城周三里奇編戶二

廢春州

即今縣一云唐初置春州在今縣北八十里

德四年創築宋皇祐二年增修元季廢壞明洪武三十年因舊址加築天順以後屢經營繕

銅陵廢縣

龍潭縣北八十里漢合浦郡臨允縣地劉宋置

陵隋屬端州唐武德四年置勤州五年州廢縣屬

年仍置州治富林縣乾元初還治銅陵五代因之

宋初州廢縣屬春州熙寧六年併入陽春縣○富

林廢縣在縣北百里本銅陵縣地唐武德四年置

縣屬勤州後與州俱廢開元十八年復以富林峒

置縣屬勤州治乾元初州徙治銅陵

陵屬勤州治乾元初州徙治銅陵

流南廢縣隋屬新州開皇十八年改曰南流縣屬新與郡

初廢又西城廢縣在縣西南七十里亦梁置屬新

興郡隋大業初廢入銅陵縣○羅水廢縣在縣西

陽春縣置屬春州宋省

磁石山射木山在縣東南十五里高百餘丈周數十

里巍峩蔚蔚為縣治案山一名雲靈山雲幕其上

則雨立至○鐵坑山在縣東二十里高七十餘丈

周三十里山勢盤旋古木森蔽產鐵又天馬山在

縣東三十里高百餘丈周七十里一峯插天羣山

拱伏形如天馬

羅湖山縣西南五十里上有天湖最清澈其相近者

十里一各白水山高二百餘丈周四百餘里有天

池龍井飛泉瀑布古木陰森奇勝不一其相接者

曰木欄山亦秀麗又十里曰羅黃山山高廣瀑布

懸流落成川下多羅黃二姓○珠環山在縣東

南九十里羣峯相連如珠纍纍高六

十丈周五十餘里與陽江縣接界

崆峒巖縣西南十五里石壁穹窿深廣數十丈又石

角巖在縣北十六里高五十餘丈周三十餘

讀史方輿

卷一百一 廣東二

敷文閣

里舊名石脚巖有石穴泉從中出又北十里為銅石巖亦曰峒石深廣數丈又雲霖巖在縣北八十里巖穴深遂遇警鄉人多趨避於此又北三十里有牛銚嶺嶺與新興縣分界志云縣西北百二十里為響石巖巖穴圓敞其東北接新興縣界之冬瓜嶺○石窟巖在縣西北百三十里有上下二巖上巖軒敞陸路可抵雷廉下巖水從中出可通小舟石壁奇絕又寶帶巖在縣西北百四十里俗呼大巖獐田環之巖高朗可容千人

涼繖岡

縣北十里高五十丈周數十里盤旋宛曲為縣主山○將軍岡在縣東北八十里高三十

餘丈周四十五里岡巒起伏宛如波浪唐姜晦貶州司馬嘗提兵陟岡禦獠賊因名又鉛坑岡在縣

北百二十里高五十餘丈周二十里岡之西南出鉛鐵砂礦

漠陽江

在縣西源出縣西北百里東安縣界之雲浮山自山巔東下經新興縣界過故富林縣前

南流為漠陽江又東南流入陽江縣界

讀史方輿 卷一百一 廣東二 巽 敷文閣

博學水

縣西北百二十里源出霜山又縣北八十里

有古勤州水源出狼狂山縣北七十里又有雲霖水源出盤龍諸嶺皆合於博學水東南流入

漠陽江是也○羅鳳水出縣北五十里白木嶺入折流經龍江灣亦名江腰河西流入漠陽江又那

烏水出縣東北五十餘里之大峒西南流十里至那烏石又西流經石壁北入漠陽江又高遼水出

城東北二十餘里之臺嶺曲折流經畱村灣入漠陽江

麻陳水

縣西南百五十里源出高州府電白縣東嶺諸山下流百餘里合羅水志云縣西四十里

有羅水自羅黃山東流合麻陳水又北流五里經大沙灣入漠陽江○木棚水在縣西北百三十里

一名甘婪水源出了髻諸山東流穿巖底過廢富林縣入漠陽江郡國志蠻語以穴為甘以穿為婪

又石線水出縣西三十里石線山流五六里合渡口水入漠陽江又有輪水出縣南五十里之穀岡

流十五里經南畝灣入陽江縣界

北瀧水 縣北十里東北諸溪澗之水匯而西南流入

流二十里合麻黃水入北瀧河

古良鎮 縣西二十里有巡司洪武初置建文四年廢

北四十里又北十里曰潭葛石有石峯數十自那烏西達於水次

牛厄曲營 縣北百二十里嘉靖二十四年置防新興

北百五十里亦嘉靖二十四年置防瀧水四賀等

山徭賊又灣口營在縣西六十里鳳凰營在縣西

南九十里俱嘉靖十二年置又鴨關營在縣城內

嘉靖三十年置邑志縣城外有東營西營城內

十里有狼營正德間龐峒羅陳合水黃稿木欄等

山徭猖獗邑令黃寬招廣西狼兵二百餘家分三

營屯守又上下魚跳寨在縣東北百五十里

接新興縣藍坑營界萬歷中添設官兵戍守

北塞逕 在縣西南相近有蕉林逕又曹峒逕間及白

水逕間蟠龍逕間皆在縣東北設鄉兵戍守

紀要

志云縣北四十里有石壁寨羣峯數十攢簇水次

昔人避亂築石寨於其上又縣北二十五里有高

岡寨因岡以名○橫石山峯在縣西

獠寨也志云縣四境徭山以數十計

樂安驛 縣南九十里接陽江縣界隆慶五

年築城萬歷四年以後屢經修葺

陽江縣

府西南四百四十里西北至陽春縣百四十里

東北至恩平縣百三十里西至高州府電白縣

二百二十里漢高涼縣地隋海安縣地蕭銑時置陽

江縣唐武德四年縣屬高州貞觀二十三年改屬恩

州尋為恩州治天寶初曰恩平郡乾元初復曰恩州

大順二年州移治恩平縣仍屬焉宋為恩州治慶歷

八年曰南恩州以別於河北之恩州也元曰南恩路

尋復為州明初州廢縣改今屬城周五里有奇編戶

五十里

高涼廢縣 縣西三十里漢置縣屬合浦郡其舊治在

析置安寧縣屬焉晉移郡治安寧而以高涼為屬

縣宋省高涼入安寧齊仍舊梁復改安寧為高涼

縣兼置高州治焉隋平陳郡廢仍為高州治唐武德五年改縣曰西平貞觀二十三年改置恩州治焉尋移治陽江以縣省入城邑攷陽江城宋紹聖五年始築土城元大德間種笏竹於城外以為障蔽明洪武三年改營磚城環城濬濠天順以後屢經修濬

西平廢縣

在縣西北三國吳析高涼縣置西平縣屬高興郡晉因之宋省唐改高涼縣曰西平

仍舊名也○杜陵廢縣在縣西百二十里梁置縣并置杜陵郡治焉隋平陳郡廢開皇十八年改縣曰杜原屬高州唐復曰杜陵縣貞

觀中改屬恩州宋開寶三年省

廣化廢縣

在縣西北三國吳析高涼縣地置廣化縣為高興郡治晉因之後并郡入高涼宋元

嘉九年復析置宋康郡治廣化縣齊梁因之隋平陳廢郡為宋康縣屬高州開皇十八年又改曰義

康大業二年省入杜原縣又永寧廢縣亦在縣西梁置永寧郡隋廢為縣屬高州大業二年亦省入

杜原

讀史方輿

卷一百一

廣東二

巽

敷文閣

東山

縣東一里山高數仞惟石林立為近城勝概上

東二里曰王母岡高百餘丈周十餘里志云縣北一里有泉北流

溉田數百畝

北甘山

縣北二十里高三百餘丈周六十餘里上有

志云自鳳皇山而北為石龍槩岫諸山其南為隨

峒翼峒官山諸山延綿環繞羣嶺錯居周百餘里

○馬衙山在縣東北五十里其南有金花嶺攀躋

而石高如馬受勒山因以名其泉下注為上中下

三龍潭皆清澈深杳自山而北為合溝合門秀石

三龍諸山皆山

羅琴山

縣西二十五里高三百餘丈周八十餘里衆

磨乃南曰射龍北曰茶水皆險峻中各有窠上

龍潭四時不涸又郎官山在縣西六十里又西有

箭幹鹿園諸山皆高峻又有虎頭山在縣西百二十里近太平驛○望夫山在縣西百六十里周四百餘里接電白縣界稍南為鐵帽頂山最高峻巖洞紆回狼狽特為天險相近者曰雞籠山舊嘗調神電衛軍駐守又梅峒山在望夫山北高二百餘丈周二百餘丈上多梅接陽春縣界

石坑山 縣西北六十里數峯相接猶居其中接陽春兩霖山為羅嶺為盤龍山又

石鶴山 縣東南三十里其東為那湖香爐蘇喇南坑有珠環山亦與陽春縣接界

里高三百餘丈周四里其東為那湖香爐蘇喇南坑在縣東南九十里高四里餘有峯如卓玉又紫蘿山

烟蘿山亦各端靈山接新寧縣界○北津山在縣南三十里其對峙者為南津山夾峙海口自東隄

海山西延袤數里二山之間有獨石高十餘丈周四十餘里山出海口二里其下淵深不測志云北

津山外捍奔潮內衛村陌邑之外藩也又有銀坑山在南津山側高三十餘丈周二十里有十八井

讀史方輿 卷一百一 廣東二 巽

紀要

相傳宋南恩州知州余久大鼓治於此稍西有馬母山在大海中去縣五十里

海陵山 縣西南七十里大海中周三百里列為數峯卓黃山其東為平章山下有平章港受海陵漲潦

以達於海宋末張世傑敗於厓山將西趨占城復謀入廣回舟蟻此颶風大作世傑取瓣香登龍樓

祝天赴海死處也明洪武四年官兵追敗海寇鍾福全於海陵山即此郡志海陵西南為馬鞍山下

為俄船澳西北為鶴洲山海陵巡司置於此又西北為麻龍渡山四面皆大海也○三汲山在縣東

南大海中又東有小蘆中蘆大蘆三山皆在大洋中相去數十里大蘆高二

百餘丈望之如覆釜因名

高嶺 縣北六十里有石洞洞門迂曲僅容一人內寬

賊不敢犯其中又有一洞石壁峭削不可上下鄉

人名為鐵城志云縣北四十里有麒麟岡八所軍

屯在焉○斜嶺在縣東九十里昔為官道所經蹊

徑險惡盜賊聚正德九年改營通道避險就平

敷文閣

人以爲便又退前嶺在縣西五十里以兩山聳拔
行者難前而各或作退錢嶺以地廣人希商賈經
此多被劫掠也又縣西百三十里有王公嶺地名
西山逕舊礮石不通緣崖艱苦萬歷四十八年參
將王楊德始闢嶺路行者便之因名又丞相嶺在
縣西南六十里高百丈周十里宋丞相留正紹興
中嘗爲陽江尉
遊憩於此因名

望海岡 縣南六里高百仞周四五里爲縣治之案山
又峽岡在縣東南二百里高二百五十丈周

三十里兩岡對峙

海 在縣西南宋白曰恩州濱海地蒸濕當海南五郡
泛海之路自廣泛海行數日方登陸人憚海波多

由新州陸路云海防考由縣南雙魚城歷海陵山
過北津港至海朗城爲縣之門戶由大澳而東北
卽新寧縣界中有柵渡三洲大金門上下川俱倭
寇停泊處春秋防皆有水師哨守志云縣南北
津外名曰鎮海自此東屈而北可達新會東莞
廣州西轉而南達高雷廉瓊商運咸取道焉

讀史方輿

卷一百一

廣東二

五

敷文閣

漠陽江 在縣城西自陽春縣東南流歷受衆水其勢
始大入縣界至縣北十餘里激爲龍淵亦名龍濤水

二派東流至縣北十餘里激爲龍淵亦名龍濤水
至城西亦名龍濤江亦曰恩江南流二十五里匯爲
石潭其西流隨地得名亦曰黃江亦曰牛馬海亦
曰蛟龍環又東南流合於石潭至縣南北津港入
於海志云港在北津山之陽陽春陽江衆水皆由
此達海每潮起洶湧而入遇風則其聲碎擊如雷
舟楫往來重防陰積蓋東南大海港口皆亂石舟
可行者僅僅丈餘必候大潮始進故海寇不敢睥
也

蓮塘河 縣東六十里源出恩平界白馬山一名瓊水
曲折流經縣東北百里那龍村曰那龍水過

蓮塘驛曰蓮塘河又經縣北六十里合門山夾
六蓮塘水對峙如門也南流七十里至縣南十五
里尖山渡合於漠陽江志云縣東北那吉嗣有那
吉水九十里至籬竹逕有籬竹逕水皆流入瓊水

麻濠水 縣西三十里出羅琴山流經縣西南四十里
豐頭港入海又丹陽水在縣西八十里源出

梅峒山東流十里經大墟渡復東南流匯於豐頭
港又有丹城水在縣西百二十里亦出梅峒山東
流六十里匯於豐頭港並入於海○儒峒水在縣
西百六十里源出望夫山南流九十里由北額港
入海志云北額港
與電白縣接界

沙河

縣西北六十里源出烏石山居民資以灌溉又
於漠陽江邑志輪水出石坑諸山與陽春接壤又
石河在縣西三十里源出羅琴山流二十里入黃
江○龍潭潭在縣西五十里即官山之東下流入海
又縣西百里有白石港一名石門港在郎官山下
通大海志云縣東南六十里有三鴉港在海濱源
出紫蘿山西流七十里入海其相近者有大澳東
接新寧縣界又縣西百五十

里有新寧縣界又縣西百五十
里那池澳在雙魚所南

海陵鎮

縣西南七十里海陵山西北有巡司明初置
○永安營在縣東南八十里地名黃竹逕又
馬牯涇營在縣東九十里俱嘉靖七年設防新寧
白水山賊又麻思營在縣西百十里宏治十二年

前史方輿

卷一百一

廣東二

垂

敷文閣

設防陽春樂安等山賊正德中改名即岡營志云
縣西五十里有高嶺營進退前嶺嘉靖三十九年
設又有長亭舊營十有六三鄧等逕十俱有兵哨
守○蓮塘堡在縣西六十里防陽春恩平六山浪
賊路又有鐵爐頭
寨在縣南三里

北津砦

在縣南北津山上舊有望海亭萬歷四年奏
置北津水砦十四年城之以防海寇海防考
海陵山西南船澳舊為禦倭要地水師巡哨皆
期會於此嘉靖二十七年以後防禦漸弛海寇往
往突犯後遂以北津水砦為重地所分汛地東至
芒洲上下川與廣海寨會哨西至吳川限門與白
鶴寨會哨既又以賊船澳頭豐頭澳為中哨新寧縣
寨門海為左哨電白縣逆頭澳為右哨萬歷二十
八年以後復畫界為守以海朗寨官兵分守汛海
東自廣海砦界娘澳起西至雙魚界馬坳石止雙
魚寨官兵分守汛海東自海朗界馬坳石起西至
連頭寨界北額港止而北津寨官兵每至汛期則
協同出哨賊船澳蓋府境
海防惟陽江為最切也

博臘砦 在縣境宋志縣有海口海陵博臘遂訓四砦

於此○雙恩塲在海湖所西南產鹽宋元時設管勾官於此明洪武二十年改設鹽課司

西平驛 在縣治東洪武初置萬歷中改曰平豆驛又

初置嘉靖三十三年築城於此周一里有奇又太平驛在縣西百十里宋置大墟站在今驛西十里

洪武初改置太平驛十二里有奇○那烏山砦在縣東

五年築城環之周一里有奇○那烏山砦在縣東

恩平縣 府南三百二十里東至廣州府新會縣百十里

十里漢高涼縣地三國吳置海安縣屬高興郡晉因

之宋改屬東官郡齊末置齊興郡改曰海安縣唐武德

陳郡廢縣屬高州開皇十八年改曰海安縣唐武德

五年復曰齊安縣仍屬高州貞觀二十三年改屬恩

州至德二載改曰恩平縣大順二年移恩州治焉五

代因之宋開寶五年移州治陽江省縣為恩平堡屬

讀史方輿卷一百一 廣東二 五 敷文閣

恩平故城 志云在縣東北二十里今為恩平舖俗呼

至德中於恩平郡置清海軍也後遷今治城邑攷

今縣城本恩平堡成化二年築磚城置恩平堡巡

司於此尋升為縣即改址增築正德嘉靖以後屢經修治

信安廢縣 縣東北百里與廣州新會縣接界即廢義

亦相接通志縣北百里有新興縣東南八十里蓋境

郡即晉哀帝太和甲所置郡恐悞

龍巖山 餘丈周七八十里亦名大山又名巖山高三百

穴清泉瀉出名曰水縈旁有紫霞洞林木蒼蔚石

壁奇絕又縣南十里有鳳凰山為縣之前案又石

神山在縣北二里一名鰲山擁縣治後○石圍口

山在縣西北二十里卓立江口巉巖峭絕又西北

十里為溫泉山山形峭絕下有溫泉

紀要

陽江縣元因之明成化十四年割陽江及新興新會

三縣地復置今縣城周不及二里編戶二十二里

藍坑山

縣東南三十里巖壑深杳材木叢生舊為盜藪也成化以來皆為樂土又金雞山昔時十三村盜藪里一名金雞頭山脈綿延接新寧縣之下川山○白馬山在縣南二十里高三百餘丈延綿二十餘里聳立如馬又金婆山在縣南三十里岡隴連綿南達灣雷海中有覆船山行舟者惡其名今日金臺岡志云縣東北六十里有羅漢山接新興縣界

鼓角樓山

縣西北七十里巖巒層疊下有流泉其後嘉靖三十五年督臣談愷討獠賊克黎源沙峒二砦賊走雙石嶺官軍拔崖而上克塘茶進拔良塘十二村諸賊皆乞降即山旁諸獠寨也又有茶山在縣西北八十里昔時林木美盛為民利又西北十里為雲立山又十里為君子山皆高險羣獠聚居接新興縣界○天露山在縣北八十里俗呼鐵爐山北接新興縣境相近有雲洞山亦曰雲岫山舊有雲岫營亦接新興縣界嘉靖三十五年征良

讀史紀要

方輿

卷一百一

廣東二

敷文閣

塘巢即此山也又獨鶴山在縣北百里一峯聳拔綿延三十里亦名獨鶴尖山脈東連曹幕諸山西北連老香諸山亦與新興縣分界又縣東北百里破獠賊於此險峻有獠寨嘉靖三十一年僉事杜璠破獠賊於此

灣雷海

縣南八十里海勢灣曲潮聲如雷多蟹

南門河

縣南一里志云縣境諸水其大者曰濠頭水

里之相公潭為羣流匯合之處又東為南門河又有橫槎水在縣東南十里源出藍坑山西北流會南門河遶縣南迤東達於新會縣

恩平鎮

在城東有巡司洪武二年置於恩平故城成

之城村萬歷二年又移城東又有恩平驛宋置於縣東三里今各古站村成化中徙置於城北後又數徙萬歷初移於城南八年改為守備司

塘宅堡

縣東北百里嘉靖十三年設三十六年議以

面崇山峭壁舊為盜賊淵藪乃增建城垣於縣治

西南移廣肇高部參將駐於此萬歷二年改築開

平屯廢堡入焉又馬岡營在縣東北八十里嘉靖十

三年設又樓逕營在縣東北九十里嘉靖二十五年

設防鴻嶺山諸山賊今為豐建屯邑志樓逕東至

倉步通水洞賊巢北至九嶺通老熊石賊巢九嶺

至陳坑接新興界飛鼠窟通黃三坑賊巢東北至

獨鶴驛由驛西通西坑圍嶺賊路又西為新興大

河界東通立逕鸞娥嶺新興相思圍賊路最為要

害又祠堂營在縣北五十里嘉靖十一年設志云縣北

靖十一年設防化眼潭諸山賊

大夾腦營縣西南三十里嘉靖十一年設志云縣北

塘營截籬子逕要路俱嘉靖三十三年設又白蒙

逕營在縣東南四十里嘉靖中設今為白蒙屯邑

志逕東通白麻逕懷寧營南通灣雷逕至海西南

通陽江那龍村北通那虔上洞諸猪路又有鎮安

讀史方輿卷一百一廣東二

屯嘉靖二十九年設在縣東南六十里○鴻嶺山

營在縣西北百里嘉靖十九年設又有長沙營在

縣東百二十里

紀要

方輿

卷一百一

廣東二

敦文閣

籬子逕縣東南二十里東通十三村達蠅岡又塞喉

為火燈逕俱接新會縣界○十二逕在縣西南又

西南為白石逕皆通陽江陽春盜賊出沒之處又

瓦巷逕在縣西五十五里又有雙穴逕在縣西北

四十里又五里為清油逕又西北十五里為老鴉

灘皆當陽春新興盜賊出沒之道志云縣北六十

里有黃竹逕又北十里為鎮戎屯舊名擒頸為控

守要地又倉步在縣東北百十里通新會新寧諸

賊崇今為開平屯又縣境有石井等營一十有九

皆守有兵

武定屯

縣東南六十里本新寧縣界苔村賊巢隆慶

南四十五里立屯萬歷二年建城又永安屯在縣東

南五十里十三村橫山賊巢也俱隆慶五年改立

心其地入新會縣界與縣北鞏靖諸屯縣南北蒙
諸屯共為二十屯○大人山寨在縣西三十里
寨也志云縣境
境獠山凡七

附見

肇慶衛 在府治東明洪武初設守禦千戶所十二年
調守新興十五年復故二十二年改置是衛

守鎮四會千戶所 在縣治西洪武二十三年調肇慶
後千戶所駐守仍隸肇慶衛嘉靖

三十八年增置廣寧縣因改置廣寧守鎮千戶所
直隸都司又新興守鎮千戶在縣治西本元時故

址明洪武二年降為百戶所十二年移肇慶千戶
所成之十二年升百戶為千戶而肇慶所復故所

直隸都司又陽春守禦千戶所在縣治東亦元故
址洪武三十一年調神電衛後千戶所駐守於此

仍隸神電衛又陽江守禦千戶所在縣治東龍山
上洪武元年廢南恩州改州治為千戶所直隸都

讀史方輿 卷一百一 廣東二 圭 敷文閣 紀要

海朗守鎮千戶所 在陽江縣東南五十里洪武二十
七年置隸廣海衛有城周四里有

奇城據海朗山上因各下臨海亦曰鎮海山與雙
魚所並為海防襟要志云所西近北津山崇禎二

年於北津大王廟小尖津口山
前置銃臺并築小城設兵屯戍

雙魚守鎮千戶所 在陽江縣西南百五十里洪武二
十七年置隸神電衛有城周二里

有奇所東有雙魚角臨大海頗險所因以名又東
五里為管杯石兩石屹立大海中中通一門雙魚

所舟航出入要道也昔人議壘石填塞從右側淺
沙入港以免寇船衝突又東為馬鞍糞箕等山皆

屹立海中志云所旁有石門南尾山崇
禎二年置銃臺并築小城設兵戍守

德慶州 府西二百十里西至廣西梧州府百九十里南
至羅定州百五十里東北至廣寧縣一百六十

里

秦南海郡地漢屬蒼梧郡後漢因之晉永和七年置

晉康郡宋齊因之隋平陳廢郡屬端州大業初屬信

安郡唐武德四年置康州并置都督府於此九年州廢貞觀

元年復置南康州十一年又廢十二年還置康州天

寶初曰晉康郡乾元初復故宋開寶五年州廢仍屬

端州尋復置康州亦曰晉康郡紹興初升為德慶府以高宗潛

也十四年又置永慶軍節度元為德慶路明洪武初

改為府九年降為州以州治端溪縣省入編戶六十二里領

縣三今因之

州據嶺西之上游扼廣右之門戶邕桂賀三江州實

縮其口山川雄固誠鎖鑰要地也

讀史方輿 卷一百一 廣東二 癸 敷文閣

紀要

端溪廢縣今州治漢置縣屬蒼梧郡晉屬晉康郡宋

端州唐為康州治後皆因之明初廢城邑攷州舊

無城宋皇祐六年始築子城元至正間重修明洪

武初以舊城狹隘改立城址築以磚石景泰以後

屢經修築有門五隆慶五年塞東北一門城周六

里奇

元溪廢縣州東五十里本端溪縣地晉析置元溪縣

郡齊梁因之隋廢沈約志元溪相近有龍鄉縣晉

末置宋初為晉康郡治元嘉二十年移郡治端溪

以龍鄉縣并入又有威城廢縣蕭

齊置為晉康郡治後亦廢入端溪

悅城廢縣州東八十里晉末置樂城縣屬晉康郡又

開皇十二年以悅城文招二縣并入樂城唐武德

五年改屬康州尋又改為悅城縣宋開寶五年省

縣為悅城鎮自州入府之通道也又寶江廢縣

在縣東南亦晉末置宋屬晉康郡梁陳時廢

香山

州北二里高二百餘丈周四十餘里為州之主

在州東北五里高百餘丈周三十里峯巒秀鬱有

草如藿香因名其相接者為青雲岡高百五十丈

周二十餘里亦各踞人岡○茗山在州東十五里

高百餘丈周二十里產茶又東五里為樵雲山高

二百餘丈周三十餘里山高而秀形勢盤蔚下有

瓊響泉又文筆山在縣東二十五里高二百餘丈

有檀山高百五十丈周二十餘里形聳而秀

端山正因名又東十里為西源山高六百丈周三十

里一峯高出雲表頂有池四時不竭下流分為東

西二溪合流入江即思夫水也州東八十五里又

有勞山高百餘丈周三十里形勢峻傑登者憚勞

因名○高良山在州北七十里高百餘丈周五十

里山下田高土肥土產鐵笏木又焦石山在州東

北百里高三百餘丈周五十里蒼翠盤鬱相接者

為雙鶴嶺高六百餘丈周八十里

當往來通道崎嶇險峻登陟甚艱

讀史方輿卷一百一 廣東二 要 敷文閣

紀要 峽山 州西二十里高百丈周九十里南北岸對峙甚

錦石山在州西五十里夏多雨則水峻急舟不能行又

南越迎陸賈時嘗以錦覆石萬歷四年征羅旁賊

佛子嶺

在州西北二十里嶺勢差戕路通封川縣又

通蒼梧產杉木又州西四十里有黎嶺一名禮嶺

高二百丈周三百里高峻產籬竹又寶嶺在縣東

北八十里高三百餘丈周三十里兩山壁立中通

一徑如竇○三洲巖在州東七十里一名玉乳巖

巖後有穴可登山頂志云山取蓬萊第三洲

之義為名最幽勝東西往來者皆通出巖下

大江 州南一里即西江也州人亦謂之南江一名晉

峽山經州南又東入梧州府東流經封川縣境出

端溪

州東十里源出州東北七十里之龍潭曲折流

經端山下又西流入於西江州東北二十里又

要縣界詳大川西江

有麻壩水自封川縣流入境一名馬壩水亦流合
端溪水入江又夫號水在州東五十里出西源山
其東十里為思夫水亦出西源山並流入江○靈
陵水在州東九十里自廣寧縣界流入境凡百餘
里南入江可通舟楫州志云靈陵水一名程溪浦
出州東七十里龍巖下有龍母温媪墓亦曰温水
亦曰靈溪云又州東四十里有書堂水源出而名
南流五里入江以宋石處道讀書於此而名
陸溪州西五十里源出佛子嶺東流三十里入江水
西口舊有陸賈廟因名又州西七十里有武賴水
○西南三十里有榕塘水俱出封川縣界南流入江
七十羅旁水在州西四十五里源出廢都城縣南流
石其紋如羅因名

悅城鎮州東百里悅城水口有悅城鄉巡司洪武四
年新村驛與巡司並列其中○壽康水驛

西灣營州西十里近大江正德五年設州東五十里有
舊在城西萬歷二十八年改置於城東

讀史方輿 卷一百一 廣東二 敷文閣

水碓營○平村營在州西八十里近大江地名上
峒其相近為大塘營又麻地營在州西九十里地
名萬峒俱嘉靖十八年設志云州西八十里地
里又有羅旁營近羅旁水口正德五年設

沿頭埠州西八十五里又綠水埠在州西六十里冷
俱近大江北岸○大小澗埠在州東三十五里龍
目埠在州東四十里相近為澗頭埠又東五里為
下埔思麻二埠又蓬遠埠在州東五十五里媳婦
頂埠在州東六十里大塘埠在州東六十五里降
水埠在州東七十五里大塘埠在州東六十五里降
德五年置近大江北岸設兵戍守圖說江北岸又
有三洲倫埔大樹田心等二十餘營俱設兵防
西山諸峒賊其在江南岸者今俱屬羅定州

白沙山寨在縣東北後割江南岸屬羅定州其
州境者以數十計云

封川縣州西百二十里南至羅定州西寧縣七十里西
至廣西梧州府八十里漢蒼梧郡廣信縣地梁

析置梁信縣為梁信郡治兼置成州治焉隋平陳郡
廢改州曰封州開皇十八年又改縣曰封川縣大業
初改置蒼梧郡於此唐武德四年復置封州天寶初
曰臨封郡乾元初復故宋仍曰封州亦曰臨封郡紹
興元年省州以縣屬德慶府十年復舊元至元十六
年立封州路尋降為州明初州省縣改今屬城周二
里十四里

廢封州即今縣志云梁置成州在今縣北六里隋移
州牙將劉謙為封州刺史遂為南漢之始城邑考
縣城明初築塹山為之正統十四年以黃蕭養作
亂因故址修築天順二年展築外城環柵植刺竹
文磚甃城北面并濬濠環之成化五年以後屢經
修築

修築

封興廢縣在縣東北晉末置屬蒼梧郡宋齊因之梁
屬梁信郡隋屬封州大業初廢入封川縣

東山縣東一里形如屏障亦名掛榜山其對峙者曰
紗帽嶺東四里曰先鋒嶺高拔諸山又天馬山

讀史方輿

卷一百一

廣東二

五

敷文閣

在縣東南三里拱抱縣治西江匯其下多白沙亦
名白沙嶺又二里為綠衣嶺與紗帽先鋒白沙諸
嶺相連稍北為羅容山又登高山在縣治北其北
三里為牛頭嶺有峽水經其中志云縣南二里有
會龍山層峯疊秀蔚蔚兩崖如門又東北五里為相
北二十里羣峯聯屬下有相思大逕長六七里兩山夾
峭一水中流極其清冽相近又有石門嶺志云縣
東南五十里有濯錦山一

名錦石山與德慶州接界

雞籠山縣西三十里其脈廣遠左接廣西界右襟西
寧縣又西在縣西南十里隔江峯巒峭拔

○豐壽山在縣東北五十里寰宇記山高一百三
十餘丈周五十里一名霹靂山相傳山有巨石雷
震其一上有石池泉湧其中其西北有羅克逕又
太子山在州東北六十里尖峯插漢又東北十里
為甲子山其相接者曰麒麟山志云麒麟山在縣
北八十里高三百丈周五十里秀出天表形若
麒麟縣之鎮山也

白馬山

縣東北百里與麒麟山對峙周五十里石坂甚長飛泉如練正德中鐘巢其上叅議周用等剿平之改名白鶴山相近有老鴉逕深山大箐天日罕覩又縣北百三十里有雷連山重巒疊嶂蹊徑深杳有林泉巖石之勝或作連山謾其相近有螺髻巖石門暗狹中忽明敞容數百人有一夫當逕萬夫莫前之險

續嶺

縣北二十里斷而復續宛委綿亘七十餘里又猿嶺在縣北三十里高三十餘丈周四十里平岡漫坡或起或伏上多林木猿狖所居有猿嶺逕○雲巖在縣北九十里中容三百人居民常避寇於此泉自石出澄泓不竭石床磴道殆若天造其南為荔枝巖極幽勝又縣北七十里其鑼鼓岡周四十里今設巡司

西江

在縣城南自廣西梧州府流七十里至縣西十里之靈洲合賀水環城西十餘里經城東入德慶州界形勝志封州扼三江之口謂西江賀江東安江也靈洲當賀江之口廣一里長五里江流環

紀要

洲常不沒因曰靈洲

賀江

入於西江五代唐天成三年楚大舉水軍圍封州南漢主劉龔遣將蘇章救之章至賀江沉鐵絙於水兩岸作巨輪挽絙築長堤隱之而以輕舟逆戰誘楚人入堤中挽輪舉絙楚艦不能進退大敗遂解封州之圍

東安江

縣西北二十里源出蒼梧縣界俗名小江流合賀江入於西江又扶靈水在縣北百里滙流連諸山水入於賀江又有廣信水源出老鴉逕流入扶靈水○谷墟水在縣東十三里源出麒麟山下流入西江舊志以為豐溪源出豐壽山悞又顯山河在縣東百里滙東北境諸溪澗水入谷墟水又縣東南十里有蟠龍水源出蒼梧縣界雷竹山流入境注於西江其水宛轉如龍之蟠宏治七年鄉民堤其下流為塘

讀史方輿

卷一百一

廣東二

敷文閣

文德鎮

舊在縣北大洲口洪武初置文德巡司七年徙置縣西賀江口嘉靖二十四年又移置於

縣北銅鼓岡○嶺山驛在縣西二里舊在城西洪武六年移置於堰塘埔口十二年遷於今治

羅峒營

在縣西相近有菊花營俱正德中設嘉靖三十八年廢通志縣境舊多營堡嘉靖二十四

年剿平麒麟白馬二山賊自是漸撤○迺田營在縣西北前臨賀江其相近有西河營舊為廣西

賊出入嚙喉防禦甚切又靖安營在城東北隆慶五年設又縣北有南龍鑼鼓等營去縣皆百餘里

萬歷三年設

三了逕

縣北二十里續嶺下相近又有埔彪逕又相

逕長二十餘里林木陰翳○烏漆逕在縣東北七

十里長二三里崇岡疊巘起伏蟠曲其相近者為攬逕喬木森密猴聚居又縣東

石硯山砦

在縣北嶺寨也正德中封川之石硯大和雞峒山嶺合開建大玉小玉大臺賀縣

紀要

讀史方輿卷一百一廣東二空敷文閣

尚金上崗下崗等巢封川歸仁文德二鄉大滑臘洪秋南吉大賀黑石麒麟白馬蓮花等巢諸嶺皆

八年官軍討石硯山嶺平之

開建縣

州西北三百里北至廣西賀縣百八十里東

元嘉中析置開建縣屬臨賀郡尋又置宋建郡治焉大明元年郡廢仍屬臨賀郡齊因之梁置南靜郡隋

平陳郡廢縣屬連州大業初屬熙平郡唐屬封州宋開寶五年省入封川縣明年復置仍屬封州明初改

今屬城邑考縣故無城洪武中始築土垣天順三年因故址減三之二植棚疏濠為備八年創築磚城成

化初始告成嘉靖以後屢經修築城周一里有奇編戶四里

謝沐廢縣

在縣北漢置謝沐縣屬蒼梧郡後漢因之

忠讜山

縣東北五十里高二百餘丈周八十里為縣

十丈周二十餘里西北五十里有圓珠山高百五

五里高二十丈周四十餘里蜿蜒如龍又東五里

為昭埭山路通懷集縣有石名鼠石旁三穴皆容
數十人又五里為野埭山有水石巖峯巒立水
環其下巖穴幽折莫窮其勝又大水山在縣東三
十里其下有澗源深流廣其相接者為羊梯山
為牛羊徑道有石磴若梯然

大玉山

碧如玉其旁為小玉山山高八十餘丈周五里
形勢突兀○黎水山在縣東南二十里高三十餘
丈周三十餘里兩山對峙黎水中流其相近者為
狼嶺周七十里形勢險惡

開江

在縣城西其源即賀江也自賀縣南流二百
里經縣境合羣川而南注流百里入封川縣界
為封江嘉靖十四年大水縣城為圯隆慶五年開
江漲溢復圯城西蓋西面迫臨開江也又有大玉
小玉及黎水俱流入開江狼嶺水則西流合黎水
而注於江志云縣北五十里有白鶴灘北去賀縣
百四十里為分界處即開江所經也

讀史方輿
紀要

卷一百一

廣東二

空

敷之開

金縷水

縣東十五里其源合似龍昭埭野埭諸山
水流經金縷村因名水聲清響亦謂之龍吟
源出懷集縣深山中流經縣北六十里萬石嶺又
南流入於開江又梁村水源出懷集縣之梁村西
南流入於開江又梁村水源出懷集縣之梁村西
三十里有金塘水出金塘村諸山又東北有忠謹
水出忠謹山盧村水出縣東北七十甲近界山縣
西北又有蓮塘水出圓珠山縣東三十里又有金
裝水出大水山羊梯水亦流
合焉並滙潭霜水入於開江

水母塘

縣北五里廣十餘畝源出縣北十里之雁山
南流入塘天順三年守備王芳等疏城濠因
濬源鑿塘以瀦水又自塘
鑿渠以灌城濠水常不竭

古令鎮

縣北五十里其地有古令山黃沙嶺洪武初
置巡司於此萬歷六年猺賊作亂徙置於縣
東北之禱村十四年勤平
黃沙等山賊復還舊處

獨住營

縣北三十里嘉靖十四年設防賀縣深涌寨

四十里嘉靖二十三年設防賀縣深涌懷集牛欄

羊橋銅鐘鼓城諸山賊縣北六十里又有會珠營

嘉靖二十六年設防懷集金鵝松栢南水上帥下

帥諸山賊相近又有潭霜營嘉靖二十三年設志

云縣北六十里有總旗營隆慶五年設東北六十

九源山寨

在縣東徭寨也志云縣境徭山凡三十有七

附見

德慶守鎮千戶所

有州治東洪武九年建

羅定州

東至肇慶府三百里西南至高州府二百里北至肇慶府德慶州百五十里西至廣西岑溪縣

紀要

讀史方輿

卷一百一

廣東二

奎

敷文閣

西九十里自州治至布政司五百三十里至京師七千七百里

秦南海郡地漢屬蒼梧郡後漢因之晉仍屬蒼梧郡

後屬晉康郡宋齊因之梁置平原郡兼置瀧州隋平

陳郡廢大業初改瀧州為永熙郡唐武德四年復置

瀧州天寶初曰開陽郡乾元初復故宋開寶五年廢

州屬康州後屬德慶府元屬德慶路明初屬德慶州

萬歷四年改置羅定州編戶二領縣二今因之

州襟帶千里江山聯絡蠻徭盤據恃為險奧蓋撫綏

重地門庭巨防也

瀧水廢縣

今州治漢端溪縣地梁置平原縣為平原郡治隋平陳郡廢縣屬瀧州開皇十八年

改為瀧水縣唐因之仍屬瀧州寰宇記云舊志在今縣南百里唐初移置於此宋州廢縣屬德慶府元因之明初亦曰瀧水縣萬曆初雒亂督臣凌雲翼討平之改置今州城邑考州舊無城正統十三年始築土城景泰四年燹以磚石成化屢經營治周不及四里

晉康廢縣

州北八十里宋元嘉中置安遂縣屬晉康郡齊因之梁置建州及廣熙郡治此隋平

陳廢郡大業初并廢州屬永熙郡唐武德四年置南建州治焉貞觀八年改南建州曰藥州十八年州廢以縣屬康州至德二載改曰晉康縣宋開寶五年廢

開陽廢縣

在州南梁置縣為開陽郡治隋郡廢縣屬瀧州宋廢又羅陽廢縣在縣西南亦梁置縣為羅陽郡治隋郡廢縣屬瀧州開皇十八年改曰正義縣大業初廢唐復

置屬瀧州貞觀中省置屬瀧州貞觀中省

鎮南廢縣

在州北梁置安南縣屬廣熙郡隋屬建州大業初廢入永熙縣唐武德五年復析瀧

讀史方輿

卷一百一 廣東二 畝 敷文閣

水置安南縣屬南建州尋屬藥州貞觀十八年州廢屬瀧州至德二載改曰鎮南縣宋廢又永業廢縣在州東北梁置永業郡尋以為縣隋平陳縣廢開皇十六年復置屬建州大業初屬永熙郡唐屬南建州尋屬藥州

龍腦山

在州北十五里山勢盤旋若迴龍然又雙龍山狀如雙龍上有三石如笏下有雙龍泉湧出不竭

又南二十里有文筆峯一名尖岡有巨石號防虞石崔嵬險固容數百人居民遇警常登石避之亦一保障也○徑山在州南六十里羣峯森立橫截

水紋山

州東南百十里高七十丈周四十餘里山下有泉沸湧而出或謂之羅旁山大潭坑二處蓋

萬祥言肇慶山峒賊巢有羅旁山大潭坑二處蓋瀧水本屬肇慶也相近者又有雙輪山其高倍之又雲濤山在縣南百二十里高二百丈周百里聳拔為諸山最雲霧常蒙其頂○上烏山在州東南

百五十里高百餘丈周五十里有

瀧水

石橫截中流至為險阻鄉人以竹筏裝載從高放下稍不戒則衝激漂沒下灘勢稍平流亦漫至州治西宛轉而南東北流

雲霽水

源出東安縣界雲浮山下流入州境注於瀧水

晉康鎮

有李岐古城二關舊皆為戍守處

水西營

有西營民營也又在瀧水旁而名志云州西十里舊州東十里舊有東營亦民營也又東為茅尖營與

紀要

讀史方輿卷一百一

敷文閣

大莆營同時設○鐵場營在州東南百里又東南十五里有惠雞營俱嘉靖二十三年設又東南十里

有龍角營接陽春陽江二縣界嘉靖二十五年設志云州南百里舊有帽岡民營西南百

雲際峒

二峒官者楊師勗追擒之今州西有雲致嶽山或曰即雲際之悞也

雲羅山寨

春西出岑溪復分道自雞骨嶺羅旁口水陸並進擣其巢穴賊遂平志云州境羅山凡百有餘處

東安縣

鄉及德慶州之晉康鄉高要縣之楊柳思勞等鄉新

永順廢縣

縣東五十里唐武德四年析新興縣置屬

縣六十里是也。○建水廢縣在縣西隋置永熙縣屬瀧州唐武德五年改曰永寧縣天寶初又改曰建水仍屬瀧州宋廢

書山

縣東三十里高千仞周五十餘里相近者又有

有流泉猺居其上。○苟逕山在縣東北山高廣大

色黑如鐵又東三十里有厓牢山舊志云在新

雲浮山

縣西北三十里蓋舊有鐵嶺山俱屬新興縣

泉巖石之勝舊志山在陽春縣北百里蓋本屬陽

春也。○甘山在縣北五十里高七百餘丈周百餘

里上有龍頭潭懸流如瀑布舊志甘山在德慶州

九星巖

縣北五十里九峯尖秀如玉笋下有巖穴如

讀史方輿

卷一百一 廣東二

奕

敦文閣

紀要

志巖在德慶州東百十里。○古蓬洞在縣西北百

六十里志云洞在德慶州東南十五里猺人所居

在州界者凡五十四山此其一也昔時屢為民害

西江

在縣北自德慶州東流經縣界又東入高要縣

逢衍水

在縣北源出甘山下流入於西江又大灣水

里之大灣村入於西江。○晉康水在縣西北源出

州界經晉康廢縣因名。○南江東流逕古蓬洞

又北入於西江通志南江源出瀧水縣大水山經

建水鎮

在縣西即建水廢縣也洪武中置巡司本屬

十里其北十里有料調營相近者又有曲龍營俱

嘉靖二十一年設又有長逕塘營嘉靖二十九年

設長嶺營嘉靖二十八年設志云東山營南去新興縣八十里料峒等營俱南去新興縣九十里舊屬新興萬曆五年改今屬

南江營

在縣西北瀧水小江口近大江嘉靖十二年設志云營在德慶州江南岸十五里防守最切萬曆中改今屬又大埔營在縣西北正德五年設志云營北去德慶州七十里又南三十里曰思和營在瀧水大江西岸嘉靖二十六年設又茅坡營在大埔營西南二十里嘉靖三十年設又大石嶺營在思和營南十里又南四十里曰山栢營俱正德五年設又白馬營在山栢營南三十里又南四十里曰步雲營又二十里曰查峒營其相近者曰木源營俱正德五年設舊屬德慶州萬曆五年改今屬

送鬼嶺營

在縣西瀧水小江東岸又南三十里有塘底營又二十里曰三嶺營俱嘉靖二十三年設屬德慶州萬曆五年改今屬志云送鬼嶺營在德慶州南一百七十里又有麻塘埠在德慶州

讀史方輿

卷一百一 廣東二

紀要

敦文閣

東三十里正德五年設今亦屬東安縣

西寧縣

瀧水縣之西山大峒地及德慶州之都城鄉萬曆五年割置今縣編戶一十里

都城廢縣

縣西六十里晉置屬晉康郡宋齊因之隋今為都城鎮洪武置都城縣屬康州宋開寶五年省

天黃山

縣東二十里舊屬瀧水縣志云瀧水縣西界後復據險為亂萬曆四年督臣凌雲翼破其巢而

禮之境內以寧○大力山在縣東北百里高六百丈周迴二百里上多產竹木赤籐南漆山勢雄偉為西境之望舊志山在德慶州西南二十五里州之鎮也

計都山

在縣東北百餘里高百六十丈周五十里形勢奇崛西有龍潭通志計都山在德慶州東

十五里似誤○雞骨嶺舊志云在大力山東十五里東北去德慶州十里高二百餘丈產雞骨香

瀧水

羣川悉匯於此又東流入州境

大力埠

縣東北百餘里大力山之水入江處也舊志在德慶州西七十里大江南岸正德五年設

萬歷五年改今屬

附見

守禦瀧水千戶所

在州城內萬歷四年增設直隸都司○守禦南鄉千戶所在州東又

有守禦富林千戶所在東安縣界又州西有守禦函江千戶所州西北有守禦封門千戶所俱近西

寧縣境萬歷五年增置

讀史方輿紀要

卷一百一

廣東二

亥

敷文閣

讀史方輿紀要卷一百一終